

বীরাজনা কাব্য

[১৮৬৯ খ্রীষ্টাব্দে প্রকাশিত তৃতীয় সংস্করণ হইতে]

মঙ্গলাচরণ ।

বঙ্গকুলচূড়া

শ্রীযুক্ত দ্বন্দ্বরচন্দ্র বিজ্ঞাসাগর মহোদয়ের

চিরস্মরণীয় নাম

এই অতিমব কাব্যশিরে শিরোমণিরূপে

স্থাপিত করিয়া,

কাব্যকার

ইহা

উক্ত মহানুভবের নিকট

যথোচিত সম্মানের সহিত

উৎসর্গ করিল ।

ইতি ।

১২৬৮ সাল । ১৬ই ফাল্গুন ।

বীরাসনা কাব্য


মাইকেল মধুসূদন দত্ত

[১৮৬২ খ্রীষ্টাব্দে প্রথম প্রকাশিত]

সম্পাদক :

ব্রজেন্দ্রনাথ বন্দ্যোপাধ্যায়

শ্রীসজনীকান্ত দাস



বঙ্গীয়-সাহিত্য-পরিষৎ

২৪তাল, আপার সারফুলার রোড

কলিকাতা-৬

প্রকাশক
শ্রীমদেবকুমার গুপ্ত
বঙ্গীয়-সাহিত্য-পরিষৎ

প্রথম পরিষৎ-সংস্করণ—সৌম, ১৩৪৭ ; দ্বিতীয় মুদ্রণ—ফাল্গুন, ১৩৫০ ;
তৃতীয় মুদ্রণ—জ্যৈষ্ঠ, ১৩৫৩ ; চতুর্থ মুদ্রণ—শ্রাবণ, ১৩৫৮ ;
পঞ্চম মুদ্রণ—বাব, ১৩৬২ ।

মূল্য দেড় টাকা

শনিরঞ্জন প্রেস, ৫৭ ইন্ডিয়া স্ট্রিট, কলিকাতা-৩৭
হইতে শ্রীমদেবকুমার দাস কর্তৃক মুদ্রিত ।

ভূমিকা

‘তিলোত্তমাসম্ভব কাব্য’র পর ‘মেঘনাদবধ কাব্য’ নয় সর্গ রচনা করিয়াও অমিত্রাক্ষর ছন্দ সম্বন্ধে মধুসূদনের শেষ কথা বলা হয় নাই; অর্থাৎ ভাষার গাভীর্য, যতি ও ছন্দের বৈচিত্র্যের দিক্ দিয়া যে আরও পরিণতির অবকাশ ছিল, মধুসূদনের মনে সেই বিশ্বাস ছিল। এই বিশ্বাসের বশবর্তী হইয়া তিনি “সিংহলবিজয়” নামক কাব্য রচনায় হাত দিয়াছিলেন। সম্ভবতঃ উক্ত “narrative” বা “আখ্যান-বর্ণনামূলক” কাব্যে অমিত্রাক্ষরের পরিণতি প্রদর্শনের সুযোগ না পাইয়াই মধুসূদন তাহা পরিত্যাগ করিয়াছিলেন। ইহার জন্ত “dramatic” বা “নাটকীয়” বিষয়বস্তুর প্রয়োজন মধুসূদন অনুভব করিয়াছিলেন। ইতালীয় কাব্য-সমুদ্রে অবগাহনের কালে তিনি কবি ওভিদ (Publius Ovidius Naso : 43 B. C.—17 A. D.) প্রণীত *Heroides* কাব্যের সহিত পরিচিত হইয়াছিলেন; ওভিদ এই কাব্যের পুরাণ-কাহিনীর নায়িকাদের সম্পূর্ণ নৃতন এবং রোমাণ্টিক মূর্তিতে সজ্জিত করিয়াছিলেন। পত্রাকারে নায়িকাদের চিত্ত-উদ্ঘাটনের এই কৌশল পরে রোমান কবিদের মধ্যে কেহ কেহ এবং ইংলেণ্ডে দুই এক জন কবি (যেমন পোপ) অবলম্বন করেন। মধুসূদন আপন উদ্দেশ্য সিদ্ধির পক্ষে এই পদ্ধতিকেই সবিশেষ উপযোগী জ্ঞান করিয়া ‘বীরাজনা কাব্য’ রচনা করেন।

১৮৬১ খ্রীষ্টাব্দের ২৯এ আগস্ট তারিখে খিদিরপুর হইতে বন্ধু রাজনারায়ণ বসুকে মধুসূদন যে পত্র লেখেন, তাহা হইতে বুঝা যায়, ‘মেঘনাদবধ কাব্য’ রচনা শেষ হইবার পর রাজনারায়ণই মধুসূদনকে সিংহল-বিজয়ের উপর আর একটি কাব্য লিখিতে অনুরোধ করেন। মধুসূদন সেই সম্পর্কে এই পত্রে লিখিতেছেন—

Jotindra proposes the battles of the Kaurava and Pandub princes ; another friend, the abduction of Usha (উষাহরণ). Now I am for your সিংহলবিজয়; but I have forgotten the story and do not know in what work to find it ; kindly enlighten me on the subject.

[বতীন্দ্রের ইচ্ছা, আমি কোরব ও পাণ্ডব রাজপুত্রদের যুদ্ধ লইয়া লিখি ; অন্য একজন বন্ধু উষাহরণ লিখিতে বলিতেছেন। কিন্তু আমি তোমার সিংহল-বিজয়ের পক্ষে। তবে গল্পটি আমি ভুলিয়া গিয়াছি। জানি না কোন্ বইয়ে তাহা পাওয়া বাইবে, দয়া করিয়া আমাকে এই বিষয়ে জানাও।]

ইহারই অব্যবহিত পরের একটি তারিখহীন চিঠিতে মধুসূদন রাজনারায়ণকে লিখিতেছেন :

I have only written 20 or 30 lines of the new Epic [সিংহলবিজয়]. In fact, I have laid it by,—for a time only, I hope. But within the last few weeks, I have been scribbling a thing to be called 'বীরাজনা' i. e. Heroic Epistles from the most noted Puranic women to their lovers or lords. There are to be twenty-one Epistles, and I have finished eleven. These are being printed off, for I have no time to finish the remainder. Jotindra Mohan Tagore, my printer Issur Chunder Bose, and one or two other friends, are half-mad. But you must judge for yourself. The first series contain (1) Sacuntala to Dushmanta (2) Tara to Shome (3) Rukmini to Dwarkanath (4) Kakayee to Dasarath (5) Surpanakha to Lakshman (6) Droupadi to Arjuna (7) Bhanumati to Durjodhana (8) Duhsala to Jayadratha (9) Jana to Niladhwaaja (10) Jahnavi to Santanu and (11) Urbasi to Pururavas ; a goodly list, my friend,

[নূতন মহাকাব্যের মাত্র ২০।৩০ পংক্তি লেখা হইয়াছে। আসলে, ইহা সুগিত রাখিয়াছি ; আশা করি, কিছুকাল পরে আবার ধরিতে পারিব। কিন্তু গত কয়েক সপ্তাহের মধ্যে 'বীরাজনা' নামে একটি বস্ত্র কলমের আঁচড়ে খাড়া করিয়াছি ; প্রদিক্ত পৌরাণিক নারীরা তাঁহাদের প্রণয়ী অথবা পতিদের নিকট নায়িকার উপযুক্ত লিপি লিখিতেছেন—ইহাই 'বীরাজনা'। সব স্তম্ভ একশটি লিপি হইবার কথা ; আমি এগারটি সম্পূর্ণ করিয়াছি। সবগুলি শেষ করিতে দেরি হইবে বলিয়া এই এগারটি ছাপা হইতেছে। বতীন্দ্রবোদন ঠাকুর, আমার প্রকাশক ঐশ্বরচন্দ্র বসু ও অন্যান্য দুই একজন বন্ধু এগুলি পড়িয়া প্রায় কেপিয়া গিয়াছেন। তুমি কিন্তু নিজের বুদ্ধিতে বিচার করিবে। যে কটি লেখা হইয়াছে, তাহার তালিকা এই (১) দুঃশস্তের প্রতি শকুন্তলা, (২) সোমের প্রতি তারা, (৩) দ্বারকানাথের প্রতি রুক্মিণী, (৪) দশরথের প্রতি কেকয়ী, (৫) লক্ষ্মণের প্রতি সূৰ্পণখা, (৬) অর্জুনের প্রতি দ্রৌপদী, (৭) দুৰ্য্যোধনের প্রতি ভাষ্কর্য্যভী, (৮) অশ্বত্থের প্রতি দুঃশলা, (৯) নীলধ্বজের প্রতি জনা, (১০) শান্তনুর প্রতি জাহ্নবী, (১১) পুরুরবাসের প্রতি উর্বশী ; তালিকা নেহাৎ ছোট নয়—কি বল ?]

এই এগারটি পত্রই 'বীরাজনা কাব্য'।

হৃৎখের বিষয়, মধুসূদনের আশা আর পূর্ণ হয় নাই—সুগিত লেখা তিনি আর ধরিতে পারেন নাই। উপরে উল্লিখিত পত্রের এক স্থলে তিনি যে সন্দেহ প্রকাশ করিয়াছিলেন, "আমার কাব্যজীবন শেষ হইয়া আসিতেছে" ("my poetical career is drawing to a close"), তাহাই সত্যে পরিণত হইয়াছিল। 'চতুর্দশপদী'র বিচ্ছিন্ন সনেটগুলি লেখা ছাড়া আর বিশেষ কবিকর্মে আত্মনিয়োগ করেন নাই।

পরবর্তী পক্ষে রাজসারায়ণকে মধুসূদন সচলপ্রকাশিত 'বীরাজনা কাব্য' সম্বন্ধে লিখিয়াছিলেন—

The new poem is just out, and I have ordered a copy to be forwarded to you. You must oblige me by letting me know what you think of it, at your earliest convenience, for I prefer your opinion to that of many others on the subject of poetry...

The poem, you will find, has not been concluded yet—one half of it remains to be written. I don't no when I shall finish it. Perhaps, it will take me months; perhaps a few weeks, But give me your candid opinion of what has already been achieved, old fellow! I have dedicated the work to our good friend the Vidyasagar. He is a splendid fellow! I assure you. I look upon him in many respects as the first man among us...

[নূতন কাব্যটি সচল বাহির হইয়াছে, তোমাকে এক খণ্ড পাঠাইবার অন্ত বলিয়াছি। বস শীঘ্র সম্ভব, ইহার সম্বন্ধে তোমার মতামত জানাইয়া আমাকে বাধিত করিবে, কারণ, কবিতা-বিষয়ে অনেকের অপেক্ষা তোমার মতকেই আমি প্রছা করিয়া থাকি।...]

দেখিবে, কাব্যটি এখনও সম্পূর্ণ হয় নাই—অর্দ্ধেক বাকি আছে। জানি না, কখন শেষ করিতে পারিব। হয়ত অনেক মাস লাগিবে, হয়ত বা দুই চার সপ্তাহেই শেষ হইবে। কিন্তু ইতিমধ্যেই বাহা করিয়াছি, সে সম্বন্ধে তোমার খোলসা মতামত দাও। আমাদের শুভাঙ্কুর্য্যায়ী বন্ধু বিদ্যাসাগরের নামে বইটি উৎসর্গ করিয়াছি। বিশ্বাস কর, এমন চমৎকার মাহুয হয় না। অনেক দিক্ দিয়া উাহাকেই আমি আমাদের মধ্যে শ্রেষ্ঠ মাহুয বলিয়া মনে করি।...]

'বীরাজনা কাব্য' ১৮৬১ খ্রীষ্টাব্দে রচিত ও ১৮৬২ খ্রীষ্টাব্দের গোড়ায় প্রকাশিত হয়, পৃষ্ঠা-সংখ্যা ছিল ৭০। প্রথম সংস্করণের আখ্যাপত্র এইরূপ :—

বীরাজনা কাব্য। / শ্রীমাইকেল মধুসূদন দত্ত / প্রণীত। / "লেখ্যপ্রস্থাপনৈঃ— / —নার্যা ভাবাভিব্যক্তিরিগুতে।" / সাহিত্যদর্পণঃ। / কলিকাতা। / শ্রীযুত ঈশ্বরচন্দ্র বসু কোং বহুবাজারস্থ ১৮২ সংখ্যক ভবনে ট্যান্‌হোপ্‌ যন্ত্রে যন্ত্রিত। / সন ১২৬৮ সাল। /

দ্বিতীয় সংস্করণ (পৃ. ৭৬) ১২৭৩ সালে এবং তৃতীয় সংস্করণ (পৃ. ৭৬) ১২৭৫ সালে (১৫ জাহ্নয়ারি ১৮৬৯) প্রকাশিত হয়। এই তিনটি সংস্করণের মধ্যে কোন উল্লেখযোগ্য পাঠভেদ নাই। তৃতীয় সংস্করণ হইতেই 'সাহিত্যদর্পণের' ত্রুটিগুলি তুলিয়া দেওয়া হয়।

রাজসারায়ণ বন্ধুর নিকট পূর্বোক্ত পত্রগুলি যখন লিখিত হয়, সেই সময়ে 'বীরাজনা কাব্য' সম্পূর্ণ করিবার বাসনা যে মধুসূদনের ছিল,

তাহার অল্প প্রমাণ আছে। তাঁহার ১৮৬২ খ্রীষ্টাব্দের ৪ঠা ফেব্রুয়ারি তারিখের স্মারক-লিপিতে আছে :—

It is my intention, God willing, to finish this poem ['বীরাবনা কাব্য'] in XXI Books. But I must print the XI already finished. The proceeds of the 1st part must defray the expenses of printing the second. "Born an age too soon"—a time will come when these works of mine will fill the pockets of printers, book-sellers, painters *et hoc genus omne* and now I am obliged to "shell out."

[ভগবান্ বিক্রম না হইলে এই কাব্যটি একশ সর্গে সম্পূর্ণ করিব, এইরূপই ইচ্ছা আছে। যে এগারখানি ইতিমধ্যেই শেষ হইয়াছে, সেগুলি আগেই ছাপাইব। প্রথম খণ্ডের বিক্রয়লব্ধ অর্থ হইতে দ্বিতীয় খণ্ডের ছাপার খরচ চলিবে। আমি আমার যুগের পূর্বে জন্মগ্রহণ করিয়াছি—সময় আসিবে, যখন আমার এই সকল বইয়ের দ্বারা মুদ্রাকর, পুস্তকবিক্রেতা, চিত্রকর এবং ঐ জাতীয় সকলের পকেট পূর্ণ হইবে, কিন্তু আমার এখন শূন্য পকেট।]

"জনা-পত্রিকা" সমাপনান্তে এই স্মারক লিপিতেই তিনি লিখিয়া-
ছিলেন :—

The epistle of poor জনা must be revised and printed along with the second set. I am very unpoetical just now.

[জনা বেচারীর পত্রটির সংশোধন আবশ্যক ; ইহা দ্বিতীয় খণ্ডে মুদ্রিত হইবে। আমার মনে এখন বিন্দুমাত্র কাব্যরস নাই।]

কিন্তু দেখা যাইতেছে, শেষ পর্য্যন্ত "জনা-পত্রিকা" প্রথম খণ্ডেই স্থান পাইয়াছে। সম্ভবতঃ মধুসূদন ইহার সংস্কার সাধন করিয়াছিলেন।

যোগীন্দ্রনাথ বসু 'মাইকেল মধুসূদন দত্তের জীবন-চরিত' পুস্তকে (৩য় সং., পৃ. ৫১২) লিখিয়াছেন—

"ওভিরের পত্রাবলীর স্তায় বীরাবনাও একবিংশতি সর্গে সম্পূর্ণ করিবার অল্প মধুসূদনের ইচ্ছা ছিল। সমালোচিত একাদশখানি পত্রিকা ব্যতীত আরও পাঁচখানি পত্রিকা তিনি আরম্ভ করিয়াছিলেন, কিন্তু সম্পূর্ণ করিয়া বাইতে পারেন নাই।"

এই পাঁচটি অসম্পূর্ণ পত্রিকা যোগীন্দ্রবাবু মুদ্রিত করিয়াছেন (পৃ. ৫১২-১৬)। আমরা বর্তমান সংস্করণের পরিশিষ্টে তাহা পুনর্মুদ্রিত করিলাম।

নগেন্দ্রনাথ সোম 'মধু-স্মৃতি'র ৩৩১ পৃষ্ঠায় ছয়খানি অসম্পূর্ণ পত্রিকার উল্লেখ করিয়াছেন। ৬ নং পত্রিকা "ভীমের প্রতি দ্রৌপদী"র উল্লেখ অগ্রত্রে পাওয়া যায় না। এই অসম্পূর্ণ কবিতাটি নগেন্দ্রবাবু প্রকাশ করেন নাই।

বীরাঙ্গনা কাব্য

প্রথম সর্গ

দুঃস্বপ্নের প্রতি শকুন্তলা

[শকুন্তলা বিশ্বামিত্রের ঔরসে ও মেনকানাম্নী অপ্সরার গর্ভে জন্মগ্রহণ করিয়া, জনক জননী কর্তৃক শৈশবাবস্থায় পরিত্যক্ত হওয়াতে, কথমুনি তাঁহাকে প্রতিপালন করেন। একদা মুনিবরের অল্পপস্থিতিতে রাজা দুঃস্বপ্ন যুগয়াপ্রসঙ্গে তাঁহার আশ্রমে প্রবেশ করিলে, শকুন্তলা রাজ-অতিথির বথাবিধি অতিথিসংকার সম্পন্ন করিয়াছিলেন। রাজা দুঃস্বপ্ন, শকুন্তলার অসাধারণ রূপলাবণ্যে বিমোহিত হইয়া, এবং তিনি যে ক্ষত্রকুলোদ্ভবা, এই কথা শুনিয়া, তাঁহার প্রতি প্রেমান্বিত হন। পরে রাজা তাঁহাকে গুপ্তভাবে গান্ধর্ববিধানে পরিণয় করিয়া স্বদেশে প্রত্যাগমন করেন। রাজা দুঃস্বপ্ন, স্বরাজ্যে গমনানন্তর, শকুন্তলার কোন তদ্বাবধান না করাতে, শকুন্তলা রাজসমীপে এই নিম্নলিখিত পত্রিকাখানি প্রেরণ করিয়াছিলেন।]

বন-নিবাসিনী দাসী নমে রাজপদে,
রাজেন্দ্র! যদিও তুমি ভুলিয়াছ তারে,
ভুলিতে তোমারে কভু পারে কি অভাগী ?
হায়, আশামদে মত্ত আমি পাগলিনী !
হেরি যদি ধূলারাশি, হে নাথ, আকাশে ;
পবন-স্বনন যদি শুনি দূর বনে ;
অমনি চমকি ভাবি,—মদকল করী,
বিবিধ রতন অঙ্গে, পশিছে আশ্রমে,
পদাতিক, বাজীরাজী, সুরথ, সারথি,
কিঙ্কর, কিঙ্করী সহ ! আশার ছলনে,
প্রিয়ম্বদা, অনসূয়া, ডাকি সখীদ্বয়ে ;
কহি—‘হৃদে দেখ, সই, এত দিনে আজি
অরিলো লো পাণেশ্বর এ তাঁর দাসীরে ।
ওই দেখ, ধূলারাশি উঠিছে গগনে ।
ওই শোন্ কোলাহল ! পুরবাসী যত

৫

১০

১৫

আসিছে লইতে মোবে নাথের আদেশে !
 নীরবে ধরিয়া গলা কাঁদে প্রিয়স্বদা ;
 কাঁদে অনসূয়া সই বিলাপি বিষাদে ।

ক্রতগতি ধাই আমি সে নিকুঞ্জ-বনে,
 যথায়, হে মহীনাথ, পূজিহু প্রথমে ২০

পদযুগ ; চারি দিকে চাহি বাঞ্ছভাবে ।

দেখি প্রফুল্লিত ফুল, মুকুলিত লতা ;
 শুনি কোকিলের গীত, অলির গুঞ্জর,
 শ্রোতোনাদ ; মরমরে পাতাকুল নাচি ;

কুহরে কপোত, সুখে বৃক্ষশাখে বসি, ২৫

প্রেমমালাপে কপোতীর মুখে মুখ দিয়া ।

সুখি গঞ্জি ফুলপুঞ্জে ;—‘রে নিকুঞ্জশোভা,
 কি সাধে হাসিস্ তোরা ? কেন সমীরণে
 বিতরিস্ আজি হেথা পরিমল সুধা ?’

কহি পিকে,—‘কেন তুমি, পিককুল-পতি, ৩০

এ স্বরলহরী আজি বরিষ এ বনে ?

কে করে আনন্দধ্বনি নিরানন্দ কালে ?

মদনের দাস মধু ; মধুর অধীনে

তুমি ; সে মদন মোহে যঁার রূপ গুণে,

কি সুখে গাও হে তুমি তাঁহার বিরহে ?’ ৩৫

অলির গুঞ্জর শুনি ভাবি—মৃহু স্বরে

কাঁদিছেন বনদেবী ছুঃখিনীর ছুঃখে ।

শুনি শ্রোতোনাদ ভাবি—গম্ভীর নিনাদে

নিন্দ্রিছেন বনদেব তোমায়, নৃমণি,—

কাঁপি ভয়ে—পাছে তিনি শাপ দেন রোষে । ৪০

কহি পত্রে,—‘শোন্, পত্রে ;—সরস দেখিলে

তোরে, সমীরণ খাসি নাচে তোরে লয়ে

প্রেমামোদে ; কিন্তু যবে শুখাইস্ কালে

তুই, ঘৃণা করি তোরে তাড়ায় সে দূরে ;—

তেমতি দাসীরে কি রে ভ্যজিলা নৃপতি ?’ ৪৫

- বুদি পোড়া আঁধি বসি রসালের তলে ;
 ভ্রাস্ত্রমদে মাতি ভাবি পাইব সত্বরে
 পাদপদ্ম । কাঁপে হিয়া ছুরুছুরু করি
 শুনি যদি পদশব্দ । উল্লাসে উন্মীলি
 নয়ন, বিষাদে কাঁদি হোরি কুরঙ্গীরে । ৫০
 গালি দিয়া দূর তারে করি করাঘাতে ।
 ডাকি উচ্ছে অলিরাঞ্জে ; কহি,—‘ফুলসখে
 শিলীমুখ, আসি তুমি আক্রম গুঞ্জরি
 এ পোড়া অধর পুনঃ । রক্ষিতে দাসীরে
 সহসা দিবেন দেখা পুরু-কুল-নিধি !’ ৫৫
 কিন্তু বৃথা ডাকি, কাস্ত । কি লোভে খাইবে
 আর মধুলোভী অলি এ মুখ নিরখি,—
 শুখাইলে ফুল, কবে কে আদরে তারে ?
 কাঁদিয়া প্রবেশি, প্রভু, সে লতামণ্ডপে,
 যথায়—ভাবিয়া দেখ, পড়ে যদি মনে,
 নরেন্দ্র ; যথায় বসি, প্রেমকুতূহলে,
 লিখিল কমলদলে গীতিকা অভাগী ;—
 যথায় সহসা তুমি প্রবেশি, জুড়ালে
 বিষম বিরহজ্বালা । পদ্মপর্ণ নিয়া
 কত যে লিখি নিত্য কব তা কেমনে ? ৬৫
 কতু প্রভঞ্নে কহি কৃতাজলি-পুটে ;—
 ‘উড়ায়ে লেখন মোর, বায়ুকুলরাজা,
 ফেল রাজ-পদ-তলে যথা রাজালয়ে
 বিরাজেন রাজাসনে রাজকুলমণি ।’
 সম্বোধি কুরঙ্গে কতু কহি শূন্যমনে ;—
 ‘মনোরথ-গতি তোরে দিয়াছেন বিধি,
 কুরঙ্গ ! লেখন লয়ে, যা চলি সত্বরে
 যথায় জঁই পনাথ । হায়, মরি আমি
 বিরহে ! শেষবে তোরে পালিহু যতনে ;
 বাঁচা রে এ পোড়া প্রাণ আজি কৃপা করি ।’ ৭৫

আর যে কি কই করে, কি কাজ করিয়া,
 নরেশ্বর ? ভাবি দেখ, পড়ে যদি মনে,
 অনসূয়া প্রিয়ত্বদা সখীদ্বয় বিনা,
 নাহি জন জানে, হায়, এ বিজন বনে
 অভাগীর দুঃখ-কথা ! এ দুজন যদি
 আসে কাছে, মুছি আঁখি অমনি ; কেন না
 বিবশা দেখিলে মোরে রোষে ঋষিবালা,
 নিন্দে তোমা, হে নরেশ্বর, মন্দ কথা কয়ে !—
 বজ্রসম অপবাদ বাজে পোড়া বৃকে !

৮০

ফাটি অস্তুরিত রাগে—বাক্য নাহি ফোটে !

৮৫

আর আর স্থল যত,—কাঁদিয়া কাঁদিয়া
 ভ্রমি সে সকল স্থলে ! যে তরুর মূলে
 গন্ধর্ব্ববিবাহচ্ছলে ছলিলে দাসীরে,
 যে নিকুঞ্জে ফুলশয্যা সাজাইয়া সাধে
 সেবিল চরণ দাসী কানন-বাসরে,—
 কি ভাব উদয়ে মনে, দেখ মনে ভাবি,
 ধীমান্ , যখন পশি সে নিকুঞ্জ-ধামে !—
 হে বিধাতঃ, এই কি রে ছিল তোর মনে ?
 এই কি রে ফলে ফল প্রেমতরু-শাখে ?

৯০

এইরূপে ভ্রমি নিত্য আমি অনাধিনী,
 প্রাণনাথ । ভাগ্যে বৃদ্ধা গৌতমী তাপসী
 পিতৃষসা,—মনঃ তাঁর রত তপজপে ;
 তা না হলে, সর্ব্বনাশ অবশ্য হইত
 এত দিনে ! নাহি সাধ বাঁধিতে কবরী
 ফুলরঙ্গে আর, দেব ! মলিন বাকলে
 আবারি মলিন দেহ ; নাহি অগ্নে রুচি ;
 না জানি কি করি করে, হায়, শূণ্যমনে !
 বিষাদে নিশ্বাস ছাড়ি, পড়ি ভূমিতলে,
 হারাই সতত জ্ঞান ; চেতন পাইয়া
 মিলি যবে আঁখি, দেখি তোমায় সম্মুখে !

৯৫

১০০

১০৫

- অমনি পসারি বাছ ধাই ধরিবারে
 পদযুগ ; না পাইয়া কাঁদি হাহারবে ।
 কে কবে, কি পাপে সহি হেন বিড়ম্বনা ।
 কি পাপে পীড়েন বিধি, সুধিব তা কারে ?
 দয়া করি কভু যদি বিরামদায়িনী ১১০
 নিত্মা, সুকোমল কোলে, দেন স্থান মোরে,
 কত যে স্বপনে দেখি কব তা কেমনে ?
 স্বর্ণ-রত্ন-সংঘটিত দেখি অট্টালিকা ;
 দ্বিরদ-রদ-নিম্মিত ছয়ারে ছয়ারী
 দ্বিরদ ; সুবর্ণাসন দেখি স্থানে স্থানে ; ১১৫
 ফুলশয্যা ; বিছাধরী-গঞ্জিনী কিস্করী ;
 কেহ গায়, কেহ নাচে ; যোগায় আনিয়া
 বিবিধ ভূষণ কেহ ; কেহ উপাদেয়
 রাজভোগ । দেখি মুক্তা মণি রাশি রাশি,
 অলকা-সদনে যেন । শুনি বীণা-ধ্বনি ; ১২০
 গন্ধামোদে মাতে মনঃ, নন্দন-কাননে—
 (শুনেছি এ কথা, নাথ, তাত কথমুখে)
 নন্দন-কাননান্তরে বসন্তে যেমনি ।
 তোমায়, নুমণি, দেখি স্বর্ণসিংহাসনে ।
 শিরোপরি রাজছত্র ; রজদণ্ড হাতে, ১২৫
 মণ্ডিত অমূল-রত্নে ; সমাগরা ধরা,
 রাজকর করে, নত রাজীব-চরণে ।
 কত যে জাগিয়া কাঁদি কব তা কাহারে ?
 জানে দাসী, হে নরেন্দ্র, দেবেন্দ্র-সদৃশ
 ঐশ্বর্য্য, মহিমা তব ; অতুল জগতে ১৩০
 কুল, মান, ধনে তুমি, রাজকুলপতি ।
 কিন্তু নাহি লোভে দাসী বিভব । সেবিবে
 দাসীভাবে ঐ ছখানি—এই লোভ মনে—
 এই চির-আশা, নাথ, এ পোড়া হৃদয়ে ।
 বন-নিবাসিনী আমি, বাকল-বসনা, ১৩৫

ফলমূল্যাহারী নিত্য, নিত্য কুশাসনে
শয়ন ; কি কাজ, প্রেতু, রাজসুখ-ভোগে ?
আকাশে করেন কেলি লয়ে কলাধরে
রোহিণী ; কুমুদী তাঁরে পূজে মর্ত্যতলে ।
কিঙ্করী করিয়া মোরে রাখ রাজপদে ।

১৪০

চির-অভাগিনী আমি ! জনক জননী
ত্যাগিলা শৈশবে মোরে, না জানি, কি পাপে ?
পরাম্বে বাঁচিল প্রাণ—পরের পালনে ।
এ নব যৌবনে এবে ত্যাগিলা কি তুমি。
প্রাণপতি ? কোন্ দোষে, কহ, কান্ত, শুনি,
দাসী শকুন্তলা দোষী ও চরণ-যুগে ?

১৪৫

এ মনে যে সুখ-পাখী ছিল বাসা বাঁধি,
কেন ব্যাধবেশে আসি বধিলে তাহারে,
নরাধিপ ? শুনিয়াছি রথীশ্রেষ্ঠ তুমি,
বিখ্যাত ভারতক্ষেত্রে ভীম বাহুবলে ;
কি যশঃ লভিলা, কহ, যশস্বি, বিনাশি—
অবলা কুলের বালা আমি—সুখ মম !
আসিবেন তাত কথ ফিরি যবে বনে ;
কি কব তাঁহারে নাথ, কহ, তা দাসীরে ?
নিন্দে অনসূয়া যবে মন্দ কথা কয়ে,
অপবাদে প্রিয়স্বদা তোমায়,—কি বল্যে
বুঝাবে এ দোহে দাসী, কহ তা দাসীরে ?
কহ, কি বলিয়া, দেব, হায়, বুঝাইব
এ পোড়া পরাণ আমি—এ মিনতি পদে ।

১৫০

১৫৫

বনচর চর, নাথ । না জানি কিরূপে
প্রবেশিবে রাজপুরে, রাজ-সভাতলে ?
কিস্ত মজ্জমান জন, শুনিয়াছি, ধরে
তুণে, আর কিছু যদি না পায় সম্মুখে ।
জীবনের আশা, হায়, কে ত্যজে সহজে ।

১৬০

ইতি শ্রীবীরাকনাকাব্যে শকুন্তলাপত্রিকা নাম
প্রথম সর্গ ।

দ্বিতীয় সর্গ

সোমের প্রতি তারা

[ষৎকালে সোমদেব—অর্থাৎ চন্দ্র—বিদ্যাধ্যয়ন করণাতলাবে দেবগুরু বৃহস্পতির আশ্রমে বাস করেন, গুরুপত্নী তারাদেবী তাঁহার অসামান্য সৌন্দর্য্য সন্দর্শনে । যমোহিতা হইয়া, তাঁহার প্রতি প্রেমাসক্তা হন । সোমদেব, পাঠ সমাপনান্তে গুরুদক্ষিণা দিয়া বিদায় হইবার বাসনা প্রকাশ করিলে, তারাদেবী আপন মনের ভাব আর প্রচ্ছন্নভাবে রাখিতে পারিলেন না ; ও সতীত্বধর্ম্মে জলাঞ্জলি দিয়া সোমদেবকে এই নিয়লিখিত পত্রখানি লিখেন । সোমদেব বে এতাদৃশী পত্রিকাপাঠে কি করিয়াছিলেন, এ স্থলে তাহার পরিচয় দিবার কোন প্রয়োজন নাই । পুরাণজ্ঞ ব্যক্তিমাত্রেই তাহা অবগত আছেন ।]

কি বলিয়া সম্বোধিবে, হে সুধাংশুনিধি,
তোমারে অভাগী তারা ? গুরুপত্নী আমি
তোমার, পুরুষরত্ন ; কিন্তু ভাগ্যদোষে,
ইচ্ছা করে দাসী হয়ে সেবি পা ছুখানি !—

কি লজ্জা ! কেমনে তুই, রে পোড়া লেখনি,
লিখিলি এ পাপ কথা,—হায় রে, কেমনে ?
কিন্তু বৃথা গঞ্জি তোরে ! হস্তদাসী সদা
তুই ; মনোদাস হস্ত ; সে মনঃ পুড়িলে
কেন না পুড়িবি তুই ? বজ্রাগ্নি যতপি
দহে তরুশিরঃ, মরে পদাশ্রিত লতা ।

হে স্মৃতি, কুকর্মে রত দুর্শ্রুতি যেমতি
নিবায় প্রদীপ, আজি চাহে নিবাইতে
তোমায় পাপিনী তারা ! দেহ ভিক্ষা, ভুলি
কে সে মনঃ-চোর মোর, হায়, কেবা আমি !—

ভুলি ভূতপূর্ব্ব কথা,—ভুলি ভবিষ্যতে !

এস তবে, প্রাণসখে ; দিহু জলাঞ্জলি
কুলমানে তব জগে,—ধর্ম্ম, লজ্জা, ভয়ে !
কুলের পিঞ্জর ভাঙ্গি, কুল-বিহঙ্গিনী
উড়িল পবন-পথে, ধর আসি তারে,

তারানাথ !— তারানাথ ? কে তোমারে দিল ২
 এ নাম, হে গুণনিধি, কহ তা তারারে ।
 এ পোড়া মনের কথা জানিল কি ছলে
 নামদাতা ? ভেবেছিহু, নিশাকালে যথা
 মুদিত-কমল-দলে থাকে গুপ্তভাবে
 সৌরভ, এ প্রেম, বঁধু, আছিল হৃদয়ে ২৫
 অন্তরিত ; কিন্তু—ধিক্, বৃথা চিন্তা, তোরে ।
 কে পারে লুকাতে কবে জলন্ত পাবকে ?
 এস তবে, প্রাণসখে ! তারানাথ তুমি ;
 জুড়াও তারার জ্বালা ! নিজ রাজ্য ত্যজি,
 ভ্রমে কি বিদেশে রাজা, রাজকাজ ভুলি ? ৩০
 সদর্পে কন্দর্প নামে মীনধ্বজ রথী,
 পঞ্চ ধর শর তুণে, পুষ্পধনুঃ হাতে,
 আক্রমিছে পরাক্রমি অসহায় পুরী ;—
 কে তারে রক্ষিবে, সখে, তুমি না রক্ষিলে ?
 যে দিন,—কুদিন তারা বলিবে কেমনে ৩৫
 সে দিনে, হে গুণমণি, যে দিন হেরিল
 আঁধি তার চন্দ্রমুখ,—অতুল জগতে ।—
 যে দিন প্রথমে তুমি এ শাস্ত আশ্রমে
 প্রবেশিলা, নিশিকাস্ত, সহসা ফুটিল
 নবকুমুদিনীসম এ পরাণ মম ৪০
 উল্লাসে,—ভাসিল যেন আনন্দ-সলিলে ।
 এ পোড়া বদন মুহুঃ হেরিহু দর্পণে ;
 বিনাইহু যত্নে বেগী ; তুলি ফুলরাজী,
 (বন-রত্ন) রত্নরূপে পরিহু কুস্তলে ।
 চির পরিধান মম বাকল ; ঘৃণিহু ৪৫
 তাহায় । চাহিহু, কাঁদি বন-দেবী-পদে,
 হুকুল, কাঁচলি, সিঁতি, কঙ্কণ, কিঙ্কিনী,
 কুণ্ডল, মুকুতাহার, কাঞ্চী কটিদেশে ।
 ফেলিহু চন্দন দূরে, স্মরি যুগমদে ।

বীরাজনা কাব্য : দ্বিতীয় সর্গ

১৭

হারুঁরে, অবোধ আমি ! নারিছ বৃষ্টিতে
সহসা এ সাধ কেন জনমিল মনে ?
কিস্ত বৃষ্টি এবে, বিধু ! পাইলে মধুরে,
সোহাগে বিবিধ সাজে সাজে বনরাজী !—
তাহার যৌবন-বন-ঋতুরাজ তুমি !

৫০

বিজালাভ-হেতু যবে বসিতে, স্মৃতি,
গুরুপদে ; গৃহকর্ম তুলি পাপীয়সী
আমি, অস্তুরালে বসি শুনিতাম সুখে
ও মধুর স্বর, সখে, চির-মধু-মাধা !
কি ছার, নিগম, তন্ত্র, পুরাণের কথা ?
কি ছার মুরজ, বীণা, মুরলী, তুষকী ?
বর্ষ বাক্যসুধা তুমি ! নাচিবে পুলকে
ভারা, মেঘনাদে মাতি ময়ূরী যেমতি !

৫৫

গুরুর আদেশে যবে গাভীরন্দ লয়ে,
দূর বনে, সুরমণি, ভ্রমিতে একাকী
বহু দিন ; অহরহঃ, বিরহ-দহনে,
কত যে কাঁদিত ভারা, কব তা কাহারে—
অবিরল অশ্রুজল মুছি লজ্জাভয়ে !

৬৫

গুরুপত্নী বলি যবে প্রণমিতে পদে,
সুধানিধি, মুদি আঁধি, ভাবিতাম মনে,
মানিনী যুবতী আমি, তুমি প্রাণপতি,
মান-ভঙ্গ-আশে নত দাসীর চরণে !
আশীর্ব্বাদ-ছলে মনে নমিতাম আমি !

৭০

গুরুর প্রসাদ-অয়ে সদা ছিলা রত,
ভারাকান্ত ; ভোজনান্তে আচমন-হেতু
যোগাইতে জল যবে গুরুর আদেশে
বহির্দ্বারে, কত যে কি রাখিতাম পাতে
চুরি করি আনি আমি, পড়ে কি হে মনে ?
হরীতকী-স্থলে, সখে, পাইতে কি কত
তাপুল শরনধাবে ? কুশাসন-তলে,

৭৫

হে শিখু, স্মরতি ফুল কতু কি দেখিতে ? ৮০
 হায় রে, কাঁদিত প্রাণ হেরি তৃণাসনে ;
 কোমল কমল-নিন্দা ও বরাক্ত ভব,
 ভেঁই, ইন্দু, ফুলশয্যা পাতিত দুঃখিনী !
 কত যে উঠিত সাধ, পাড়িতাম যবে
 শয়ন, এ পোড়া মনে, পার কি বৃষ্টিতে ? ৮৫
 পূজাহেতু ফুলজাল তুলিবারে যবে
 প্রবেশিতে ফুলবনে, পাইতে চৌদিকে
 তোলা ফুল । হাসি তুমি কহিতে, স্মৃতি
 “দয়াময়ী বনদেবী ফুল অবচয়ি,
 রেখেছেন নিষারিতে পরিভ্রম মম !” ৯০
 কিন্তু সত্য কথা এবে কহি, গুণমিথি ;—
 নিশীথে ত্যজিয়া শয্যা পশিত কাননে
 এ কিঙ্করী ; ফুলরাশি তুলি চারি দিকে
 রাখিত তোমার জন্তে নীর-বিন্দু যত
 দেখিতে কুসুমদলে, হে সুধাংশু-নিধি, ৯৫
 অভাগীর অশ্রুবিন্দু—কহিহু ভোম্বারে ।
 কত যে কহিত তারা—হায়, পাগলিনী ।—
 প্রতি ফুলে, কেমনে তা আনিব এ মুখে ?
 কহিত সে চম্পকেরে,—“বর্ণ ভোর হেরি,
 রে ফুল, সাগরে ভোরে তুলিবেন যবে ১০০
 ও কর-কমলে, সখী, কহিস্ তাঁহারে,—
 ‘এ বর ধরণ মম কালি অভিমানে
 হেরি যে বর বরণ, হে রোহিণীপতি,
 কালি সে বর বরণ ভোম্বার বিহনে’ ।”
 কহিত সে কদম্বেরে,—না পারি কহিতে ১০৫
 কি যে সে কহিত তারে, হে সোম, শরমে ।—
 রসের সাগর তুমি, ভাবি দেখ মনে ।
 তুমি লোকমুখে, সখে, চন্দ্রলোকে তুমি
 ধর মৃগশিক্ত কোলে, কত মৃগশিক্ত

ধরেছি যে কোলে আমি কাঁদিয়া বিরলে,
কি আর কহিব তার ? শুনিলে হাসিবে,
হেঁপুহাসি । নাহি জ্ঞান ; না জানি কি লিখি ।

ফাটিত এ পোড়া প্রাণ হেরি তারাদলে ।
ডাকিতাম মেঘদলে চির আবরিভে
রোহিণীর স্বর্ণকান্তি । আন্তিমদে মাতি,
সপত্নী বলিয়া তারে গঞ্জিতাম রোষে ।

প্রকুল কুমুদে হৃদে হেরি নিশাযোগে
তুলি ছিঁড়িতাম রাগে ;—আঁধার কুটীরে
পশিতাম বেগে হেরি সরসীর পাশে
তোমায় । ভূতলে পড়ি, তিতি অক্ষয়লে,
কহিতাম অভিমানে,—‘রে দারুণ বিধি,
নাহি কি যৌবন মোর,—রূপের মাধুরী ?
তবে কেন,—’ কিন্তু বৃথা স্মরি পূর্বকথা ।
নিবেদিব, দেবশ্রেষ্ঠ, দিন দেহ যবে ।

তুষেছ গুরুর মনঃ স্নদকিণী-দানে ;
গুরুপত্নী চাহে ভিক্ষা,—দেহ ভিক্ষা তারে ।
দেহ ভিক্ষা—ছায়ারূপে থাকি তব সাথে
দিবানিশি । দিবা, নিশি সেবি দাসীভাবে
ও পদবৃগল, নাথ,—হা বিক্, কি পাপে,
হায় রে, কি পাপে, বিধি, এ তাপ লিখিলি

এ ভালে ? জনম মম মহা ঋষিকুলে,
তবু চণ্ডালিনী আমি ? কলিল কি এবে
পরিমলাকর ফুলে, হায়, হলাহল ?
কোকিলের নীড়ে কি রে রাখিলি গোপনে
কাকশিশু ? কর্মনাশা—পাপ-প্রবাহিনী !—
কেমনে পড়িল বহি জাহ্নবীর জলে ?

কম, সখে !—পোবা পানী, পিঞ্জর খুলিলে,
চাহে পুনঃ পশিবারে, পূর্ব কারাগারে ।
এস তুমি ; এস নীত্র ! যাব কুঞ্জ-বনে,

তুমি, হে বিহঙ্গরাজ, তুমি সঙ্গে নিলে । ১৪০

দেহ পদাঙ্কর আসি,—শ্রেম-উদাসিনী
আমি । যথা যাও যাব ; করিব যা কর ;—
বিকাইব কায় মনঃ তব রাঙা পায়ে ।

কলঙ্কী শশঙ্ক, তোমা বলে সর্ব্ব জনে ।
কর আসি কলঙ্কিনী কিঙ্করী তারারে, ১৪৫

তারানাথ । নাহি কাজ বৃথা কুলমানে ।
এস, হে তারার বাছা । পোড়ে বিরহিণী,
পোড়ে যথা বনস্থলী ঘোর দাবানলে ।

চকোরী সেবিলে তোমা দেহ সুধা তারে,
সুধাধর ; কোন্ দোষে দোষী তব পদে ১৫০

অভাগিনী ? কুমুদিনী কোন্ তপোবলে
পায় তোমা নিত্য, কহ ? আরস্তি সত্বরে
সে তপঃ, আহার নিজা ত্যজি একাসনে ।

কিস্ত যদি থাকে দয়া, এস শীত্র করি ।
এ নব যৌবন, বিধু, অর্পিব গোপনে ১৫৫

তোমায়, গোপনে যথা অর্পেন আনিয়া
সিদ্ধপদে মন্দাকিনী স্বর্ণ, হীর, মণি ।

আর কি লিখিবে দাসী ? সুপণ্ডিত তুমি,

কম অমঃ; কম দোষ কেমনে পড়িব
কি কহিল পোড়া মনঃ, হায়, কি লিখিল ১৬০

লেখনী ? আইস, নাথ, এ মিনতি পদে ।

লিখিছে লেখন বসি একাকিনী বনে,
কাঁপি ভয়ে—কাঁদি খেদে—মরিয়া শরমে ।

লয়ে ফুলবৃন্ত, কাস্ত, নয়ন-কাজলে
লিখিছে । কমিও দোষ, দয়াসিদ্ধ তুমি । ১৬৫

আইলে দাসীর পাশে, বুঝিব কমিলে
দোষ তার, তারানাথ । কি আর কহিব ?
জীবন মরণ মম, আজি, তব হাতে ।

ইতি, শ্রীবীরাদনাকাব্যে তারাপত্রিকা নাম

তৃতীয় সর্গ

দ্বারকানাথের প্রতি ক্লিকিণী

[বিদর্ভাধিপতি ভীষ্মকরাজপুত্রী ক্লিকিণী দেবীকে শোয়াণক ইতিবৃত্তে স্বয়ং লক্ষী-
অবতার বলিয়া ব্যাখ্যা করিয়া থাকেন। সুতরাং তিনি আভয় বিষ্ণুপরায়া ছিলেন।
বৌবনাবস্থায় তাঁহার ভ্রাতা যুবরাজ কল্প চৌদীশ্বর শিশুপালের সহিত তাঁহার পরিণয়ার্থে
উচ্চোগী হইলে, ক্লিকিণী দেবী নিম্নলিখিত পত্রিকাথানি দ্বারকায় বিষ্ণু-অবতার দ্বারকা-
নাথের সমীপে প্রেরণ করেন। ক্লিকিণী-হরণ-বৃত্তান্ত এ স্থলে ব্যক্ত করা বাহুল্য।]

শুনি নিত্য ঋষিমুখে, হ্রস্বকেশ তুমি,

যাদবেন্দ্র, অবতৌর্ণ অবনী-মণ্ডলে

খণ্ডিতে ধরার ভার দণ্ডি পাপী-জনে,

চাহে পদাশ্রয়, নমি ও রাজীব-পদে,

ক্লিকিণী,—ভীষ্মক-পুত্রী, চিরদাসী তব ;—

৫

তার, হে তারক, তারে এ বিপত্তি-কালে।

কেমনে মনের কথা কহিব চরণে,

অবলা কুলের বালা আমি, যত্মণি ?

কি সাহসে বাঁধি বুক, দিব জলাঞ্জলি

লজ্জাভয়ে ? মুদে আঁধি, হে দেব, শরমে ;

১০

না পারে আঙুল-কুল ধরিতে লেখনী ;

কাঁপে হিয়া ধরধরে। না জানি কি করি ;

না জানি কাহারে কহি এ ছঃখ-কাহিনী।

শুন তুমি, দয়াসিদ্ধ। হায়, তোমা বিনা

নাহি গতি, অভাগীর আর এ সংসারে।

১৫

নিশার স্বপনে হেরি পুরুষ-রতনে,

কায় মনঃ অভাগিনী সঁপিয়াছে তাঁরে ;

দেবে সাক্ষী করি বরি দেবনরোত্তমে

বরভাবে। নারী দাসী, নারে উচ্চারিতে

নাম তাঁর, স্বামী তিনি ; কিন্তু কহি, শুন,

২০

পঞ্চ মুখে পঞ্চমুখ জপেন সতত

সে নাম,—জগত-কর্ণে সুধার লহরী।

কে যে তিনি ? জন্ম তাঁর কোন্ মহাকূলে ?
 অবধান কর, প্রোক্ত, কহিব সংক্ষেপে ;
 তুলিয়া কুসুম-রাশি, মালিনী যেমতি
 গাঁথে মালা, ঋষিমুখ-বাক্যচয় আজি
 গাঁথিব গাথায়, নাথ, দেহ পদ-ছায়া ।

২৫

গৃহিলা পুরুষোত্তম জন্ম কারাগারে ।—
 রাজদ্বেষে পিতা মাতা ছিলা বন্দীভাবে,
 দীনবন্ধু, তেঁই জন্ম নাথের কুস্থলে ।
 ঋনিগর্ভে ফলে মণি ; যুক্তা শুক্লিধামে ।
 হাসিলা উল্লাসে পৃথী সে শুভ নিশীথে ;
 শত শরদের শশী-সদৃশী শোভিল
 বিভা । গন্ধামোদে মাতি ঋনিলা স্নস্বনে
 সমীরণ ; নদ নদী কলকলকলে
 সিদ্ধুপদি স্নসংবাদ দিলা ক্রতগতি ;
 কল্লোলিলা জলপতি গভীর নিনাদে ।
 নাচিলা অঙ্গরা স্বর্গে ; মর্ন্ত্যে নর নারী ।
 সঙ্গীত-ভরঙ্গ রঞ্জে বহিল চৌদিকে ।
 বৃষ্টিলা কুসুম দেব ; পাইল দরিজ
 রতন ; জীবন পুনঃ জীবশূণ্ড জন ।
 পুরিল অখিল বিশ্ব জয় জয় রবে ।

৩০

৫৫

৪০

জন্মান্তে জনমদাতা, ঘোর নিশাচরোগে,
 গোপরাজ-গৃহে লয়ে রাখিলা নন্দনে
 মহা যত্নে । মহারত্নে পাইলে যেমতি
 আনন্দ-সলিলে ভাসে দরিজ, ভাসিলা
 গোকূলে গোপ-দম্পতি আনন্দ-সলিলে ।

৪৫

আদরে পালিলা বালে গোপ-কুল-রাণী
 পুত্রভাবে । বাল্য-কালে বাল্য-খেলা যত
 খেলিলা রাখাল-রাজ, কে পারে বর্ণিতে ?
 কে কবে, কি ছলে শিশু নাশিলা মায়ারী
 পুতনারে ? কাল নাগ কালীয়, কি দেখি,

৫০

লইল আশ্রয় নহি পাদ-পদ্ম-ভঙ্গে ?

কে কবে, বাসব যবে রুহি, বরষিলা

জলাসায়, কি কোশলে গোবর্ধনে তুলি,

৫৫

রক্ষিলা পোকুল, দেব, প্রলয়-প্রাবনে ?

আর আর কীর্তি যত বিদিত জগতে ?

যৌবনে করিলা কেলি গোপী-দলে লয়ে

রসরাজ ; মজাইলা গোপ-বধু-ব্রজ

বাজায়ে বাঁশরী, নাচি তমালের ভলে ।

৬০

বিহারিলা গোষ্ঠে প্রভু ; যমুনা-পুলিনে !

এইরূপে কত কাল কাটাইলা সুখে

গোপ-ধামে গুণনিধি ; পরে বিনাশিয়া

সিত্ত-অরি অরিন্দম, দূর সিদ্ধ-ভীরে

স্থাপিলা সুলন্দরী পুরী । আর কব কত ?

৬৫

দেখ চিন্তি, চিন্তামনি, চেন যদি তারে ।

না পায় চিনিতে যদি, দেহ আজ্ঞা তবে,

সীতাঙ্কর, দেখি যদি পারে হে বর্ষিতে

সে রূপ-মাধুরী দাসী । চিত্রপটে যেন,

চিত্রিত সে মূর্তি চির, হায়, এ হৃদয়ে !

৭০

নবীন-নীরদ-বর্ণ ; শিখি-পুচ্ছ শিরে ;

ত্রিভঙ্গ ; স্নগল-দেশে বরগুঞ্জমালা ;

মধুর অধরে বাঁশী ; বাস পীত ধড়া ;

ধ্বজবজ্রাঙ্কুশ-চিহ্ন রাজীব-চরণে—

যোগীন্দ্র-মানস-পদ্ম । মোক্ষ-ধাম ভবে !

৭৫

যত বার হেরি, দেব, আকাশ-মণ্ডলে,

ঘনবরে, শঙ্ক-ধনুঃ চূড়ারূপে শিরে ;

তড়িং সুধড়া অঙ্গে ;—পাত্ত অর্ঘ্য দিয়া,

সান্তানে প্রশমি, আমি পূজি ভক্তি-ভাবে !

ব্রাস্তিমদে মাতি কহি—‘প্রাণকান্ত মম

৮০

আসিছেন শূন্তপথে ভূষিতে দাসীরে !’

উড়ে যদি চাঁডকিনী, গজি ভারে রাগে ।

নাচিলে মমুরী, তারে মারি, যত্নমণি ।
 মস্ত্রে যদি ঘনবর, ভাবি, আঁধি মুদি,
 গোপ-কুল-বালা আমি ; বেগুর সুরবে
 ডাকিছেন সখা মোরে যমুনা-পুলিনে ।
 কহি শিখীবরে,—‘ধন্য তুই পক্ষিকূলে,
 শিখণ্ডি ! শিখণ্ড তোর মণ্ডে শিরঃ ষাঁর,
 পূজেন চরণ তাঁর আপনি ধূজ্জটি !’—
 আর পরিচয় কত দিব পদযুগে ?

৮৫

৯০

শুন এবে হুঃখ-কথা । হৃদয়-মন্দিরে
 স্থাপি সে সুশ্রাম মূর্ত্তি, সন্ন্যাসিনী যথা
 পূজে নিত্য ইষ্টদেবে গহন বিপিনে,
 পূজিতাম আমি নাথে । এবে ভাগ্য-দোবে
 চন্দৌশ্বর নরপাল শিশুপাল নামে,
 (শুনি জনরব) নাকি আসিছেন হেথা
 বরবেশে বরিবারে, হায়, অভাগীরে !

৯৫

কি লজ্জা ! ভাবিয়া দেখ, দেখ, হে দ্বারকাপতি !
 কেমনে অধর্ম্ম কর্ম্ম করিবে রক্ষণী ?
 স্বেচ্ছায় দিয়াছে দাসী, হায়, এক জনে
 কায় মনঃ ; অশ্রু জনে—কম, গুণনিধি ।—
 উড়ে প্রাণ, পোড়া কথা পড়ে যবে মনে ।
 কি পাপে লিখিলা বিধি এ যাতনা ভালে ?

১০০

আইস গরুড়-ধ্বজে, পাঞ্চজন্তু নাদি,
 গদাধর ! রূপ গুণ থাকিত যন্তপি
 এ দাসীর,—কহিতাম, ‘আইস, মুরারি,
 আইস ; বাহন তব বৈনতেয় যথা
 হরিল অমৃতরস পশি চন্দ্রলোকে,
 হর অভাগীরে তুমি প্রবেশি এ দেশে ।’
 কিন্তু নাহি রূপ গুণ ; কোন্ মুখ দিয়া
 অমৃতের সহ দিব আপন তুলনা !
 দীন আমি ; দীনবন্ধু তুমি, বহুপতি ;

১০৫

১১০

দেহ লয়ে রুন্নিগীরে সে পুরুষোত্তমে,
ধীর দাসী করি বিধি সৃঞ্জিলা তাহারে ।

রুন্ন নামে সহোদর,—ছরন্ত সে অতি ; ১১৫
বড় প্রিয়পাত্র তার চেদীশ্বর বলী ;
শরমে মায়ের পদে নারি নিবেদিতে
এ পোড়া মনের কথা । চন্দ্রকলা সখী,
তার গলা ধরি, দেব, কাঁদি দিবানিশি ;—
নীরবে ছুজনে কাঁদি সভয়ে বিরলে । ১২০

লইহু শরণ আজি ও রাজীব-পদে ;—
বিস্ম-বিনাশন তুমি, ত্রাণ বিস্মে মোরে ।
কি ছলে ভুলাই মনঃ ; কেমনে যে ধরি
ধৈর্য, শুনিবে যদি, কহিব, শ্রীপতি ।

বহে প্রবাহিণী এক রাজ-বন-মাঝেঃ ; ১২৫
'যমুনা' বলিয়া তারে সম্বোধি আদরে,
গুণনিধি । কুলে তাঁর কত যে রোপেছি
তমাল, কদম্ব,—তুমি হাসিবে শুনিলে ।
পুষিয়াছি সারী শুক, ময়ূর ময়ূরী
কুঞ্জবনে ; অলিকুল গুঞ্জরে সতত ; ১৩০
কুহরে কোকিল ডালে ; ফোটে ফুলরাজী ।
কিন্তু শোভাহীন বন প্রভুর বিহনে ।
কহ কুঞ্জবিহারীরে, হে দ্বারকাপতি,
আসিতে সে কুঞ্জবনে বেণু বাজাইয়া ।
কিন্মা মোরে লয়ে, দেব, দেহ তাঁর পদে । ১৩৫

আছে বহু গাভী গোষ্ঠে ; নিজ কর দিয়া
সেবে দাসী তা সবারে । কহ হে রাখালে
আসিতে সে গোষ্ঠগৃহে, কহ, যছমণি ।

যতনে চিকণি নিত্য গাঁধি ফুলমালা ;
যতনে কুড়ায় রাধি যদি পাই পড়ি ১৪০
শিখীপুচ্ছ ভূমিতলে ;—কত যে কি করি,
হায়, পাগলিনী আমি । কি কাজ কহিয়া ?

আসি উদ্ধারহ মোরে, ধনুর্ধর তুমি,
 মুরারি ! নাশিলা কংসে, শুনিয়াছে দাসী,
 কংসজিত ; মধু নামে দৈত্য-কুল-রথী,
 বধিলা, মধুসূদন, হেলায় তাহারে ।
 কে বর্ণিবে গুণ তব, গুণনিধি তুমি ?
 কালরূপে শিশুপাল আসিছে সত্বরে ;
 আইস তাহার অগ্রে । প্রবেশি এ দেশে,
 হর মোরে । হরে লয়ে দেহ তাঁর পদে,
 হরিলা এ মনঃ যিনি নিশার স্বপনে ।

১৪৫

১৫০

ইতি শ্রীমদ্রামায়ণ্যে কব্জীগীতিকা নাম
 তৃতীয় সর্গ ।

চতুর্থ সর্গ

দশরথের প্রতি কেকয়ী

[কোন সময়ে রাজষি দশরথ কেকয়ী দেবীর নিকট এই প্রতিজ্ঞা করিয়াছিলেন যে, তিনি তাঁহার গর্ভজাত-পুত্র ভরতকেই ধুবরাজপদে অভিষিক্ত করিবেন। কালক্রমে রাজা স্বসত্য বিশ্বত হইয়া কৌশল্যানন্দন রামচন্দ্রকে সে পদ-প্রদানের ইচ্ছা প্রকাশ করাত্তে, কেকয়ী দেবী মন্থরানার্য্য দাসীর মুখে এ সংবাদ পাইয়া নিম্নলিখিত পত্রিকাখানি রাজসমীপে প্রেরণ করিয়াছিলেন।]

এ কি কথা শুনি আজ মন্থরার মুখে,
রঘুরাজ ? কিন্তু দাসী নীচকুলোদ্ভবা,
সত্য মিথ্যা জ্ঞান তার কভু না সম্ভবে ।
কহ তুমি ;—কেন আজি পুরবাসী যত
আনন্দ-সলিলে মগ্ন ? ছড়াইছে কেহ
ফুলরাশি রাজপথে ; কেহ বা গাঁথিছে
মুকুল কুম্ভ ফল পল্লবের মালা
সাজাইতে গৃহদ্বার—মহোৎসবে যেন ?
কেন বা উড়িছে ধ্বজ প্রতি গৃহচূড়ে ?
কেন পদাতিক, হয়, গজ, রথ, রথী
বহিতেছে রণবেশে ? কেন বা বাজিছে
রণবাণ ? কেন আজি পুরনারী-ব্রজ
মুহমুহু হলাহল দিতেছে চৌদিকে ?
কেন বা নাচিছে নট, গাইছে গায়কী ?
কেন এত বীণা-ধ্বনি ? কহ, দেব, শুনি,
কৃপা করি কহ মোরে,—কোন ব্রতে ব্রতী
আজি রঘু-কুল-শ্রেষ্ঠ ? কহ, হে নৃমণি,
কাহার কুশল-হেতু কৌশল্যা মহিষী
বিতরেন ধন-জাল ? কেন দেথালয়ে
বাজিছে কাঁকারি, শংখ, ঘণ্টা ঘটারোলে ?
কেন রঘু-পুরোহিত রত স্বস্ত্যয়নে ?
নিরন্তর জন-শ্রোতঃ কেন বা বহিছে

৫

১০

১৫

২০

- এ নগর-অভিমুখে ? রঘু-কুল-বধু
বিবিধ ভূষণে আজি কি হেতু সাজিছে—
কোন্ রজে ? অকালে কি আরস্তিলা, প্রভু, ২৫
যজ্ঞ ? কি মঙ্গলোৎসব আজি তব পুরে ?
কোন্ রিপু হত রণে, রঘু-কুল-রথি ?
জন্মিল কি পুত্র আর ? কাহার বিবাহ
দিবে আজি ? আইবড় আছে কি হে গৃহে
ছহিতা ? কৌতুক বড় বাড়িতেছে মনে ! ৩০
কহ, শুনি, হে রাজন্ ; এ বয়েসে পুনঃ
পাইলা কি ভাগ্য-বলে—ভাগ্যবান্ তুমি
চিরকাল !—পাইলা কি পুনঃ এ বয়েসে—
রসময়ী নারী-ধনে, কহ, রাজ-ঋষি ?
হা ধিক্ ! কি কবে দাসী—গুরুজন তুমি ! ৩৫
নতুবা কেকয়ী, দেব, মুক্তকণ্ঠে আজি
কহিত,—‘অসত্য-বাদী রঘু-কুল-পতি !
নির্লজ্জ ! প্রতিজ্ঞা তিনি ভাঞ্জন সহজে !
ধর্ম-শব্দ মুখে,—গতি অধর্মের পথে !’
অযথার্থ কথা যদি বাহিরায় মুখে ৪০
কেকয়ীর, মাথা তার কাট তুমি আসি,
নররাজ ; কিথা দিয়া চূণ কালি গালে
খেদাও গহন বনে ! যথার্থ যত্নপি
অপবাদ, তবে কহ, কেমনে ভুঞ্জিবে
এ কলঙ্ক ? লোক-মাঝে কেমনে দেখাবে ৪৫
ও মুখ, রাঘবপতি, দেখে ভাবি মনে ।
না পড়ি চলিয়া আর নিতম্বের ভরে !
নহে গুরু উরু-ধয়, বর্জুল কদলী-
সদৃশ ! সে কটি, হায়, কর-পদ্মে ধরি
যাহায়, নিন্দিতে তুমি সিংহে প্রোমাদরে, ৫০
আর নহে সরু, দেব ! নন্দ্র-শিরঃ এবে
উচ্চ কুচ ! সূধা-হীন অধর ! লইল

লুটিয়া কুটিল কাল, যৌবন-ভাণ্ডারে
আছিল রতন যত; হরিল কাননে
নিদাঘ কুসুম-কাস্তি, নীরসি কুসুমে !

৫৫

কিন্তু পূর্বকথা এবে স্মর, নরমণি !—
সেবিহু চরণ যবে তরুণ যৌবনে,
কি সত্য করিলা, প্রভু, ধর্ম্মে সাক্ষী করি,
মোর কাছে ? কাম-মদে মাতি যদি তুমি
বৃথা আশা দিয়া মোরে ছলিলা, তা কহ ;—
নীরবে এ হুঃখ আমি সহিব তা হসে ।
কামীর কুরীতি এই শুনেছি জগতে,
অবলার মনঃ চুরি করে সে সতত
কৌশলে, নির্ভয়ে ধর্ম্মে দিয়া জলাঞ্জলি ;—
প্রবঞ্চনা-রূপ ভঙ্গ মাথে মধুরসে ।
এ কুপথে পথী কি হে সূর্য্য-বংশ-পতি ?
তুমিও কলঙ্ক-রেখা লেখ সুললাটে,
(শশাঙ্ক-সদৃশ) এবে, দেব দিনমণি ।

৬০

৬৫

ধর্ম্মশীল বলি, দেব, বাথানে তোমারে
দেব নর,—জিতেন্দ্রিয়, নিত্য সত্যপ্রিয় ।
তবে কেন, কহ মোরে, তবে কেন শুনি,
যুবরাজ-পদে আজি অভিষেক কর
কৌশল্যা-নন্দন রামে ? কোথা পুত্র তব
ভরত,—ভারত-রত্ন, রঘু-চূড়ামণি ?
পড়ে কি হে মনে এবে পূর্বকথা যত ?
কি দোষে কেকয়ী দাসী দোষী তব পদে ?
কোন্ অপরাধে পুত্র, কহ, অপরাধী ?

৭০

৭৫

তিন রাণী তব, রাজা ! এ তিনের মাখে,
কি ক্রটি সেবিতে পদ করিল কেকয়ী
কোন্ কালে ? পুত্র তব চারি, নরমণি !
শুণশীলোস্তম রাম, কহ, কোন্ গুণে ?
কি কুহকে, কহ শুনি, কৌশল্যা মহিষী

৮০

ভুলাইলা মনঃ তব ? কি বিশিষ্ট গুণ
দেখি রামচন্দ্রে, দেব, ধর্ম্য নষ্ট কর
অভীষ্ট পূর্ণিতে তার, রঘুশ্রেষ্ঠ তুমি ?

৮৫

কিন্তু বাক্য-ব্যয় আর কেন অকারণে ?—

যাহা ইচ্ছা কর, দেব ; কার সাধ্য রোধে
তোমায়, নরেন্দ্র তুমি ? কে পারে কিরাতে
প্রবাহে ? বিতংসে কেবা বাঁধে কেশরীরে ?
চলিল ত্যজিয়া আজি তব পাপ-পুরী

৯০

ভিখারিণী-বেশে দাসী ! দেশ দেশান্তরে
ফিরিব ; যেখানে যাব, কহিব সেখানে
'পরম অধর্ম্মাচারী রঘু-কুল-পতি !'

গস্তীরে অস্থরে যথা নাদে কাদস্থিনী,
এ মোর হৃৎখের কথা, কব সর্ব্বজনে !

৯৫

পথিকে, গৃহস্থে, রাজে, কাঙালে, তাপসে,—
যেখানে যাহারে পাব, কব তার কাছে—

'পরম অধর্ম্মাচারী রঘু-কুল-পতি !'

পুষ্টি সারী শুক, দৌহেঁ শিখাব যতনে

এ মোর হৃৎখের কথা, দিবস রজনী

১০০

শিখিলে এ কথা, তবে দিব দৌহে ছাড়ি
অরণ্যে । গাইবে তারা বসি বৃক্ষ-শাখে,

'পরম অধর্ম্মাচারী রঘু-কুল-পতি !'

লিখি পক্ষীমুখে গীত গাবে প্রতিধ্বনি—

'পরম অধর্ম্মাচারী রঘু-কুল-পতি !'

১০৫

লিখিব গাছের ছালে, নিবিড় কাননে,

'পরম অধর্ম্মাচারী রঘু-কুল-পতি !'

খোদিব এ কথা আমি তুঙ্গ শৃঙ্গদেহে ।

রচি গাথা, শিখাইব পল্লী-বাল-দলে ।

করভালি দিয়া তারা গাইবে নাচিয়া—

১১০

'পরম অধর্ম্মাচারী রঘু-কুল-পতি !'

থাকে যদি ধর্ম্ম, তুমি অবশ্ত ভুঞ্জিবে

এ কর্মের প্রতিফল ! দিয়া আশা মোরে,
নিরাশ করিলে আজি ; দেখিব নয়নে
তব আশা-বৃক্ষে ফলে কি ফল, নৃমণি ?

১১৫

বাড়ালে যাহার মান, থাক তার সাথে
গৃহে তুমি ! বামদেশে কৌশল্যা মহিষী,—
(এত যে বয়েস, তবু লজ্জাহীন তুমি !)—
যুবরাজ পুত্র রাম ; জনক-নন্দিনী
সীতা প্রিয়তমা বধু ;—এ সবারে লয়ে
কর ঘর, নরবর, যাই চলি আমি ।

১২০

পিতৃ-মাতৃ-হীন পুত্রে পালিবেন পিতা—
মাতামহালয়ে পাবে আশ্রয় বাছনি ।
দিব্য দিয়া মানা তারে করিব খাইতে
তব অন্ন ; প্রবেশিতে তব পাপ-পুরে ।

১২৫

চিরি বন্ধঃ মনোহুঃখে লিখিলু শোণিতে
লেখন । না থাকে যদি পাপ এ শরীরে ;
পতি-পদ-গতা যদি পতিব্রতা দাসী ;
বিচার করুন ধর্ম ধর্ম-রীতি-মতে ।

ইতি শ্রীবীরাঙ্গনাকাব্যে কেকয়ীপত্রিকা নাম
চতুর্থ সর্গ ।

পঞ্চম সর্গ

লক্ষ্মণের প্রতি সূৰ্পণখা

[ষৎকালে রামচন্দ্র পঞ্চবটী-বনে বাস করেন, লক্ষ্মণপতি রাবণের ভগিনী সূৰ্পণখা রামচন্দ্রের মোহন-রূপে মুগ্ধা হইয়া, তাঁহাকে এই নিম্নলিখিত পত্রিকাখানি লিখিয়াছিলেন। কবিগুরু বাণীকি রাজেন্দ্র রাবণের পরিবারবর্গকে প্রায়ই বীভৎস রস দিয়া বর্ণন করিয়া গিয়াছেন ; কিন্তু এ স্থলে সে রসের লেশ মাত্রও নাই। অতএব পাঠক-বর্গ সেই বাণীকিবর্ণিতা বিকটা সূৰ্পণখাকে স্মরণপথ হইতে দূরীকৃত্য করিবেন।]

কে তুমি,—বিজন বনে ভ্রম হে একাকী,

বিভূতি-ভূষিত অঙ্গ ? কি কৌতুকে, কহ,

বৈশ্বানর, লুকাইছ ভ্রমের মাঝারে ?

মেঘের আড়ালে যেন পূর্ণশশী আজি ?

ফাটে বুক জটাজুট হেরি তব শিরে,

মঞ্জুকেশি ! স্বর্ণশয্যা ত্যজি জাগি আমি

বিরাগে, যখন ভাবি, নিত্য নিশাযোগে

শয়ন, বরাজ তব, হায় রে, ভূতলে ।

উপাদেয় রাজ-ভোগ যোগাইলে দাসী,

কাঁদি ফিরাইয়া মুখ, পড়ে যবে মনে

তোমার আহার নিত্য ফল মূল, বলি ।

সুবর্ণ-মন্দিরে পশি নিরানন্দ গতি,

কেন না—নিবাস তব বঞ্জল মঞ্জলে ।

হে সুন্দর, শীঘ্র আসি কহ মোরে শুনি,—

কোন্ হৃৎখে ভব-সুখে বিমুখ হইলা

এ নব যৌবনে তুমি ? কোন্ অভিমানে

রাজবেশ ত্যজিলা হে উদাসীর বেশে ?

হেমাঙ্গ মৈনাক-সম, হে তেজস্বি, কহ,

কার ভয়ে ভ্রম তুমি এ বন-সাগরে

একাকী, আবরি তেজঃ, ক্ষীণ, ক্লম্ব খেদে ?

তোমার মনের কথা কহ আসি মোরে ।—

যদি পরাভূত তুমি রিপূর বিক্রমে,
কহ শীঘ্র ; দিব সেনা ভব-বিজয়িনী,
রথ, গজ, অশ্ব, রথী—অতুল জগতে !

বৈজয়ন্ত-ধামে নিত্য শচীকান্ত বলী
ত্রস্ত অস্ত্র-ভয়ে যার, হেন ভাম রথী

২৫

যুঝিবে তোমার হেতু—আমি আদেশিলে !

চন্দ্রলোকে, সূর্যালোকে,—যে লোকে ত্রিলোকে
লুকাইবে অরি তব, বাঁধি আনি তারে

দিব তব পদে, শূর ! চামুণ্ডা আপনি,

৩০

(ইচ্ছা যদি কর তুমি) দাসীর সাধনে,

(কুলদেবী তিনি, দেব,) ভীমখণ্ডা হাতে,

ধাইবেন হৃৎকারে নাচিতে সংগ্রামে—

দেব-দৈত্য-নর-ত্রাস !—যদি অর্থ চাহ,

কহ শীঘ্র ;—অলকার ভাণ্ডার খুলিব

৩৫

তুঘিতে তোমার মনঃ ; নতুবা কুহকে

শুধি রত্নাকরে, লুটি দিব রত্ন-জালে !

মণিয়োনি খনি যত, দিব হে তোমারে ।

প্রেম-উদাসীন যদি তুমি, গুণমণি,

কহ, কোন্ যুবতীর—(আহা, ভাগ্যবতী

৪০

রামাকূলে সে রমণী !)—কহ শীঘ্র করি,—

কোন্ যুবতীর নব যৌবনের মধু

বাঞ্ছা তব ? অনিমেষে রূপ তার ধরি,

(কামরূপা আমি, নাথ,) সেবিব তোমারে !

আনি পারিজাত ফুল, নিত্য সাজাইব

৪৫

শয্যা তব ! সঙ্গে মোর সহস্র সঙ্গিনী,

নৃত্য গীত রঙ্গে রত । অঙ্গরা, কিঙ্গরী,

বিজ্ঞাধরী,—ইন্দ্রাণীর কিঙ্করী যেমতি,

তেমতি আমারে সেবে দশ শত দাসী ।

সুবর্ণ-নির্মিত গৃহে আমার বসতি—

৫০

মুক্তাময় মাঝ তার ; সোপান খচিত

মরকতে ; স্তম্ভে হীরা ; পদ্মরাগ মণি ;

গবাক্ষে দ্বিরদ-রদ, রতন কপাটে !

সুকল স্বরলহরী উথলে চৌদিকে

দিবানিশি ; গায় পাখী স্মধুর স্বরে ;

৫৫

স্মধুরতর স্বরে গায় বীণাবাগী

বামাকুল ! শত শত কুসুম-কাননে

লুটি পরিমল, বায়ু অমুক্ষণ বহে !

খেলে উৎস ; চলে জল কলকল কলে !

কিস্ত বৃথা এ বর্ণনা । এস, গুণনিধি,

৬০

দেখ আসি,—এ মিনতি দাসীর ও পদে !

কায়, মনঃ, প্রাণ আমি সঁপিব তোমারে !

ভুঞ্জ আসি রাজ-ভোগ দাসীর আলায়ে ;

নহে কহ, প্রাণেশ্বর ! অন্নান বদনে,

এ বেশ ভূষণ ত্যজি, উদাসিনী-বেশে

৬৫

সাজি, পূজি, উদাসীন, পাদ-পদ্ম তব !

রতন কাঁচলি খুলি, ফেলি তারে দূরে,

আবরি বাকলে স্তন ; ঘুচাইয়া বেগী,

মণ্ডি জটাজুটে শিরঃ ; ভুলি রত্নরাজী,

বিপিন-জনিত ফুলে বাঁধি হে কবরী !

৭০

মুছিয়া চন্দন, লেপি ভস্ম কলেবরে ।

পরি রুজ্রাক্ষের মালা, মুক্তামালা ছিঁড়ি

গলদেশে ! প্রেম-মস্ত্র দিও কর্ণ-মূলে ;

গুরুর দক্ষিণা-রূপে প্রেম-গুরু-পদে

দিব এ যৌবন-ধন প্রেম-কুতূহলে !

৭৫

প্রেমাধীনা নারীকুল ডরে কি হে দিতে

জলাঞ্জলি, মঞ্জুকেশি, কুল, মান, ধনে

প্রেমলাভ-লোভে কভু ?—বিরলে লিখিয়া

লেখন, রাখিনু, সখে, এই তরুতলে ।

নিত্য তোমা হেরি হেথা ; নিত্য ভ্রম তুমি

৮০

এই স্থলে । দেখ চেয়ে ; ওই যে শোভিছে

শমী,—লতাবৃত্তা, মরি, ঘোমটায় যেন,
 লজ্জাবতী ।—দাঁড়াইয়া উহার আড়ালে,
 গতিহীনা লজ্জাভয়ে, কত যে চেয়েছি
 তব পানে, নরবর—হায় ! সূর্যামুখী ৮৫
 চাহে যথা স্থির-অঁধি সে সূর্যোর পানে ।—
 কি আর কহিব তার ? যত ক্লম তুমি
 থাকতে বসিয়া, নাথ ; থাকিত দাঁড়ায়ে
 প্রেমের নিগড়ে বন্ধা এ তোমার দাসী ।
 গেলে তুমি শূন্যাসনে বসিতাম কাঁদি । ৯০
 হায় রে, লইয়া ধূলা, সে স্থল হইতে
 যথায় রাখিতে পদ, মাখিতাম ভালে,
 হব্য-ভস্ম তপস্বিনী মাখে ভালে যথা ।
 কিন্তু বুথা কহি কথা ! পড়িও, নুমণি,
 পড়িও এ লিপিখানি, এ মিনতি পদে । ৯৫
 যদি ও হৃদয়ে দয়া উদয়ে, যাইও
 গোদাবরী-পূর্বকূলে ; বসিব সেখানে
 মুদিত কুমুদীরূপে আজি সায়ংকালে ;
 তুষ্টিও দাসীরে আসি শশধর-বেশে ।
 লয়ে তরি সহচরী থাকিবেক তীরে ; ১০০
 সহজে হইবে পার । নিবিড় সে পারে
 কানন, বিজন দেশ । এস, গুণনিধি ;
 দেখিব প্রেমের স্বপ্ন জাগি হে ছজনে ।
 যদি আজ্ঞা দেহ, এবে পরিচয় দিব
 সংক্ষেপে । বিখ্যাত, নাথ, লক্ষা, রক্ষঃপুরী ১০৫
 স্বর্ণময়ী, রাজা তথা রাজ-কুল-পতি
 রাবণ, ভগিনী তাঁর দাসী ; লোকমুখে
 যদি না শুনিয়া থাক, নাম সূর্ণগণা ।
 কত যে বয়েস তার ; কি রূপ বিধাতা
 দিয়াছেন, আশু আসি দেখ, নরমণি ! ১১০
 আইস মলয়-রূপে ; গজহীন যদি

এ কুসুম, ফিরে ভবে যাইও ভঞ্নি ।
 আইস ভ্রমর-রূপে ; না যোগায় যদি
 মধু এ যৌবন-ফুল, যাইও উড়িয়া
 গুঞ্জরি বিরাগ-রাগে । কি আর কহিব ? ১১৫
 মলয় ভ্রমর, দেব, আসি সাথে দোহে
 বস্তাসনে মালতীরে । এস, সখে, তুমি ;—
 এই নিবেদন করে সূৰ্পণখা পদে ।

শুন নিবেদনঃপুনঃ । এত দূর লিখি
 লেখন, সখীর মুখে শুনিমু হরষে, ১২০

রাজরথী দশরথ অযোধ্যাধিপতি,
 পুত্র তুমি, হে কন্দর্প-গর্ব-খর্ব-কারি,
 তাঁহার ; অগ্রজ সহ পশিয়াছ বনে
 পিতৃ-সত্য-রক্ষা-হেতুঃ। কি আশ্চর্য্য ! মরি,—
 বালাই লইয়া তব, মরি, রঘুমণি, ১২৫

দয়ার সাগর তুমি । তা না হলে কত
 রাজ্য-ভোগ ত্যজিতে কি ভ্রাতৃ-প্রেম-বশে ?
 দয়ার সাগর তুমি । কর দয়া মোরে,
 প্রেম-ভাষারিণী আমি তোমার চরণে ।
 চল শীঘ্র যাই দৌহে স্বর্ণ লঙ্কাধামে । ১৩০

সম পাত্র মানি তোমা, পরম আদরে,
 অর্পিবেন শুভ ক্ষণে রক্ষা-কুল-পতি
 দাসীরে কমল-পদে । কিনিয়া, ব্রহ্মণি,
 অযোধ্যা-সদৃশ রাজ্য, শতেক যৌতুকে,
 হবে রাজা ; দাসী-ভাবে সেবিবে এ দাসী । ১৩৫

এস শীঘ্র, প্রাণেশ্বর ; আর কথা যত
 নিবেদিব পাদ-পদ্মে বসিয়া বিরলে ।

কম অক্ষ-চিহ্ন পত্রে ; আনন্দে বহিছে
 অক্ষ-ধারা ! লিখেছে কি বিধাতা এ ভাল
 হেন সুখ, প্রাণসখে ? আসি স্বরা করি,
 প্রাণের উত্তর, নাথ, দেহ এ দাসীরে । ১৪০

ইতি শ্রীবিরাটনাকাব্যে সূৰ্পণখাপত্রিকা নাম
 পঞ্চম সর্গ ।

ষষ্ঠ সর্গ

অর্জুনের প্রতি জ্যোপদী

[বংকালে ঋষ্যরাজ যুধিষ্ঠির পাশকীড়ায় পরাজিত ও রাজ্যচ্যুত হইয়া বনে বাস করেন, বীরবর অর্জুন বৈবরনিধাতনের নিমিত্ত অন্তর্নিকার্য হ্রস্বপুয়ে গমন করিয়াছিলেন। পার্শ্বের বিরহে কাউয়া হইয়া, দৌপদী) দেবী তাঁহাকে নিম্নলিখিত পত্রিকাখানি এক ঋষিপুত্রের সহযোগে প্রেরণ করিয়াছিলেন।]

হে ত্রিদশালয়-বাসি, পড়ে কতু মনে
এ পাপ সংসার আর ? কেন বা পড়িবে ?
কি অভাব তব, কাস্ত, বৈজয়ন্ত-ধামে ?

দেব-ভোগ-ভোগী তুমি, দেবসভা মাঝে
আসীন দেবেন্দ্রাসনে । সতত আদরে

সেবে তোমা সুরবালা,—গীনপন্নোধরা
স্বতাচী ; সু-উরু রম্ভা ; নিত্য-প্রভাময়ী
স্বয়ম্প্রভা ; মিত্রকেশী—সুকেশিনী ধনী ।
উর্ধ্বশী—কলঙ্ক-হীনা শশিকলা দিবে ।

নিবিড়-নিতম্বী সহা সহৃচিত্তলেখা

চারুনেত্রী ; সুমধ্যমা তিলোত্তমা বামা ;
সুলোচনা সুলোচনা ; কেহ গায় সুখে ;
কেহ নাচে,—দিব্য বীণা বাজে দিব্য তালে ;
মন্দার-মণ্ডিত বেণী দোলে গৃষ্ঠদেশে ।

কস্তুরী কেশর ফুল আনে কেহ সাথে ।

কেহ বা অধর-মধু যোগায় বিরলে,
সুস্বপাল-ভুজে তোমা বাঁধি, গুণনিধি ।
রসিক নাগর তুমি ; নিত্য রসবতী
সুরবালা ;—শত ফুল প্রফুল্ল যে বনে,
কি সুখে বঞ্চিত, সখে, শিলীমুখ তথা ?

নন্দন-কাননে তুমি আনন্দে, সুমতি,
ভ্রম নিত্য । শুনিয়াছি ঋতুরাজ না কি
সাজান সে বনরাজী বিরাজি সে বনে

নিরন্তর; নিরন্তর গায় পাখী শাখে ;
 না শুখায় ফুলকুল ; মণি যুক্তা হীরা ২৫
 স্বর্ণ মরকতে বাঁধা সরোরোধঃ যত ।
 মন্দ মন্দ সমীরণ বহে দিবা নিশি
 গঙ্কামোদে পুরি দেশ ! কিন্তু এ বর্ণনে
 কি কাজ ? শুনেছে দাসী কর্ণে মাত্র যাহা,
 নিত্য স্বনয়নে তুমি দেখ তা, নুমণি । ৩০
 স্বশরীরে স্বর্গভোগ । কার ভাগ্য হেন
 তোমা বিনা, ভাগ্যবান্, এ ভব-মণ্ডলে ?
 ধন্য নর-কূলে তুমি ! ধন্য পুণ্য তব !
 পড়িলে এ সব কথা মনে, শ্রমণি,
 কেমনে ভাবিব, হায়, কহ তা আমারে, ৩৫
 অভাগী দাসীর কথা পড়ে তব মনে ?
 তবে যদি নিজগুণে ; গুণনিধি তুমি,
 ভুলিয়া না থাক তারে,—আশীর্ব্বাদ কর,
 নমে পদে, ধনঞ্জয়, ঋপদ-নন্দিনী—
 কৃতাজ্জলি-পুটে দাসী নমে তব পদে । ৪০
 হায়, নাথ, বুধা জন্ম নারীকূলে মম !
 কেন যে লিখিলা বিধি এ পোড়া কপালে
 হেন তাপ ; কোন্ পাপে দণ্ডিলা দাসীরে
 এরূপে, কে কবে মোরে ? সুধিব কাহারে ?
 রবি-পরায়ণা, মরি, সরোজিনী ধনী, ৪৫
 তবু নিত্য সমীরণ কহে তার কানে
 প্রেমের রহস্য কথা ! অবিরল লুটে
 পরিমল ! শিলীমুখ, গুঞ্জরি সতত,
 (কি লজ্জা !) অধর-মধু পান করে সুখে !
 সৃজিলা কমলে যিনি, সৃজিলা দাসীরে ৫০
 সেই নিদারুণ বিধি ! কারে নিন্দি, কহ,
 অরিন্দম ? কিন্তু কহি ধর্মে সাক্ষী মানি,
 শুন তুমি, প্রাণকাস্ত । রবির বিরহে,

নলিনী মলিনী যথা মুদিতঃবিষাদে ;
 মুদিত এ পোড়া প্রাণ তোমার বিহনে । ৫৫
 সাথে যদি শত অলি গুঞ্জরিয়া পদে ;
 সহস্র মিনতি যদি করে কর্ণ-মূলে
 সমীরণ, ফোটে কি হে কভু পঙ্কজিনী,
 কনক-উদয়াচলে না হেরি মিহিরে,
 কিরীটি ? আঁধার বিশ্ব এ পোড়া নয়নে, ৬০
 হায় রে, আঁধার নাথ, তোমার বিরহে—
 জীবশূন্য, রবশূন্য, মহারণ্য যেন ।
 আর কি কহিব, দেব, ও রাজীব-পদে ?
 পাঞ্চালীর চির-বাহু, পাঞ্চালীর পতি
 ধনঞ্জয় ! এই জানি, এই মানি মনে । ৬৫
 যা ইচ্ছা করুন ধর্ম, পাপ করি যদি
 ভালবাসি নুমণিরে,—যা ইচ্ছা, নুমণি ।
 হেন সুখ ভুঞ্জি, দুঃখ কে ডরে ভুঞ্জিতে ?
 যজ্ঞানলে জনমিল দাসী যাজ্ঞসেনী,
 জান তুমি, মহাযশা । তরুণ যৌবনে ৭০
 রূপ গুণ যশে তব, হায় রে, বিবশা,
 বরিশু তোমায় মনে ! সখীদলে লয়ে
 কত যে খেলিছে খেলা, কহিব কেমনে ?
 বৈদেহীর সুকাহিনী শুনি লোকমুখে
 শিবের মন্দিরে পশি পুষ্পাঞ্জলি দিয়া, ৭৫
 পূজিতাম শিবধনুঃ । কহিতাম সাথে,—
 ‘ঋষিবেশে স্বপ্ন আশু দেখাও জনকে
 (জানি কামরূপ তুমি ।) দিতে এ দাসীরে
 সে পুরুষোত্তমে, যিনি দুই খণ্ড করি,
 হে কোদণ্ড, ভাজিবেন তোমায় স্ববলে ! ৮০
 তা হলে পাইব নাথে, বলী-শ্রেষ্ঠ তিনি !’
 শুনি বৈদর্ভীর কথা, ধরিতাম কাঁদে
 রাজহংসে ; দিয়া তারে আহার, পরায়ে

স্বর্ণ-ঘুংঘুর পায়ে, কহিতাম কানে,—

‘যমুনার তীরে পুরী বিখ্যাত জগতে

৮৫

হস্তিনা ;—তথায় তুমি, রাজহংসপতি,

যাও শীঘ্র শূন্যপথে, হেরিবে সে পুরে

নরোস্তমে ; তাঁর পদে কহিও, দ্রৌপদী

তোমার বিরহে মরে ক্ষুপদ-নগরে !’

এই কথা কয়ে তারে দিতাম ছাড়িয়া ।

৯০

হেরিলে গগনে মেঘে, কহিতাম নমি ;—

‘বাহন যাহার তুমি, মেঘ-কুল-পতি,

পুত্রবধু তাঁর আমি ; বহ তুলি মোরে,

বহ যথা বারি-ধারা, নাথের চরণে !

জল-দানে চাতকীরে তোষ দাতা তুমি,

৯৫

তোমার বিরহে, হায়, তৃষাতুরা যথা

সে চাতকী, তৃষাতুরা আমি, ঘনমণি !

মোর সে বারিদ-পদে দেহ মোরে লয়ে !’

আর কি শুনিবে, নাথ ? উঠিল যৎকালে

জনরব—‘জতুগৃহে দহি মাতৃ-সহ

১০০

তাজিলা অকালে দেহ পঞ্চ পাণ্ডুরথী’—

কত যে কাঁদিমু আমি, কব তা কাহারে ?

কাঁদিমু—বিধবা যেন হইমু যৌবনে !

প্রার্থিমু রতির পূজি,—‘হর-কোপানলে,

হে সতি, পুড়িলা যবে প্রাণ-পতি তব,

১০৫

কত যে সহিলা ছুঃখ, তাই স্মরি মনে,

বাঁচাও মদনে মোর,—এই ভিক্ষা মাগি !’

পরে স্বয়ম্বরোৎসব । আঁধার দেখিমু

চৌদিক, পশিমু যবে রাজসভা-মাঝে !

সাধিমু মাটির ফাটি হইতে ছুখানি ।

১১০

দাঁড়াইয়া লক্ষ্য-তলে কহিমু, ‘খসিয়া

পড় তুমি পোড়া শিরে বজ্রাগ্নি-সদৃশ,

হে লক্ষ্য ! জলিয়া আমি মরি তব তাপে,

প্রাণ-পতি জতুগৃহে জলিলা যেমতি
না চাহি বাঁচিতে আর ! বাঁচিব কি সাথে ?' ১১৫

উঠিল সভায় রব,—‘নারিলা ভেদিতে
এ অলক্ষ্য লক্ষ্যে আজি ক্ষত্ররথী যত ।’—
জান তুমি, গুণমণি, কি ঘটিল পরে ।

অশ্বরাশি মাঝে গুপ্ত বৈশ্বানর-রূপে
কি কাজ করিলা তুমি, কে না জানে তবে, ১২০
রথীশ্বর ? বজ্রনাদে ভেদিল আকাশে

মৎস্য-চক্ষুঃ তীক্ষ্ণ শর ! সহসা ভাসিল
আনন্দ-সলিলে প্রাণ ; শুনিমুঃ সুবাণী
(স্বপ্নে যেন ।) ‘এই তোরা পতি, লো পাঞ্চালি ।
ফুল-মালা দিয়ে গলে, বর নরবরে ।’ ১২৫

চাহিমু বরিতে, নাথ, নিবারিলা তুমি
অভাগীর ভাগ্য দোষে । তা হলে কি তবে
এ বিষম তাপে, হায়, মরিত এ দাসী ?

কিন্তু বৃথা এ বিলাপ ;—ছছকারি রোষে,
লক্ষ রাজরথী যবে বেড়িল তোমারে ; ১৩০

অশ্বরাশি-নাদ সম কশুরাশি যবে
নাদিল সে অয়স্বরে ;—কি কথা কহিয়া
সাহসিলা এ দাসীরে, পড়ে কি হে মনে ?
যদি ভুলে থাক তুমি, ভুলিতে কি পারে
দোপদী ? আসন্ন কালে সে সুকথাগুলি ১৩৫

জপিয়া মরিব, দেব, মহামন্ত্র-জ্ঞানেঃ!
কহিলে সম্বোধি মোরে স্মমধুর স্বরে ;—
‘আশারূপে মোর পাশে দাঁড়াও, রূপসি ।
দ্বিগুণ বাড়িবে বল চন্দ্রমুখ হেরি

চন্দ্রমুখি ! যত ক্ষণ ফণীশ্চের দেহে ১৪০

থাকে প্রাণ, কার সাধ্য হরে, শিরোমণি ?
আমি পার্থ ।’—ক্ষম, নাথ, লাগিল তিতিতে
অনর্গল অশ্রুজল এ লিপি । কেন না,—

হায় রে, কেন না আমি মরিমু চরণে
 সে দিন।—কি লিখি, হায়, না পাই দেখিতে। ১৪৫
 আঁধা, বঁধু, অশ্রুনায়ে এ তব কিঙ্করী।—* *
 * * এত দূর লিখি কালি, ফেলাইমু দূরে
 লেখনী। আকুল প্রাণ উঠিল কাঁদিয়া
 অরি পূর্ব-কথা যত। বসি তরু-মূলে,
 হায় রে, তিত্তিমু, নাথ, নয়ন-আসারে। ১৫০
 কে মুছিল চক্ষুঃ-জল ? কে মুছিবে কহ ?
 কে আছে এ অভাগীর এ ভব-মণ্ডলে ?
 ইচ্ছা করে ত্যজি প্রাণ ডুবি জলাশয়ে ;
 কিহ্না পান করি বিষ ; কিন্তু ভাবি যবে,
 প্রাণেশ, ত্যজিলে দেহ আর না পাইব
 হেরিতে ও পদযুগ,—সাস্বনি পরাণে,
 ভুলি অপমান, লজ্জা, চাহি বাঁচিবারে।
 অগ্নিতাপে তপ্তা সোনা গলে হে সোহাগে,
 পায় যদি সোহাগায় ! কিন্তু কহ, রথি,
 কবে ফিরি আসি দেখা দেবে এ কাননে ? ১৬০
 কহ ত্রিদিবের বার্তা। কবীশ্বর তুমি,
 গাঁথি মধুমাখা গাথা পাঠাও দাসীরে।
 ইচ্ছা বড়, গুণমণি, পরিতে অলকে
 পারিজাত ; যদি তুমি আন সঙ্গ করি,
 দ্বিগুণ আদরে ফুল পরিব কুস্তলে। ১৬৫
 শুনেছি কামদা না কি দেবেস্ত্রের পুরী ;—
 এ দাসীর প্রীতি যদি থাকে দয়া হৃদে,
 ভুলিতে পার হে যদি সুর-বালা-দলে,
 এ কামনা কামধুকে কর দয়া করি,
 পাও যেন অভাগীরে চরণ-কমলে ১৭০
 রূপ কাল ! জুড়াইব নয়ন স্মৃতি
 ও রূপ-মাধুরী হেরি,—ভুলি এ বিচ্ছেদে ;
 অঙ্গরা-বল্লভ তুমি ; নর-নারী দাসী ;

তা বল্যে করো না ঘৃণা—এ মিনতি পদে !

স্বর্ণ-অলঙ্কার যারা পরে শিরোদেশে,
কণ্ঠে, হস্তে ; পরে না কি রজত চরণে ?

১৭৫

কি ভাবে কাটাই কাল এ বিকট বনে
আমরা, কহিব এবে, শুন, গুণনিধি ।

ধর্ম-কর্ম-রত সদা ধর্মরাজ-ঋষি ;

ধোম্য পুরোহিত নিত্য তুষেন রাজনে

১৮০

শাজ্জালাপে । মুগয়ায় রত ভ্রাতা তব

মধ্যম ; অমুঞ্জ-দ্বয়, মহা-ভক্তিভাবে,

সেবেন অগ্রজ-দ্বয়ে ; যথাসাধ্য, দাসী

নির্বাহে, হে মহাবাজ, গৃহ-কার্য যত ।

কিস্ত ক্লম্মনা সবে তোমার বিহনে !

১৮৫

স্মরি তোমা অশ্রুনিরে তিতেন নুপতি,

আর তিন ভাই তব । স্মরিয়া তোমারে,

আকুল এ পোড়া প্রাণ, হায়, দিবা নিশি !

পাই যদি অবসর, কুটীর তেয়াগি

স্মৃতি-দৃতী সহ, নাথ ভ্রমি একাকিনী,

১৯০

পূর্বের কাহিনী যত শুনি তাঁর মুখে ।

পাণ্ডব-কুল-ভরসা, মহেষ্টাস, তুমি !

বিমুখিবে তুমি, সখে, সম্মুখ-সমরে

ভীষ্ম জ্ঞোণ কর্ণ শূরে ; নাশিবে কৌরবে !

বসাইবে রাজাসনে পাণ্ডু-কুল-রাজে ;—

১৯৫

এই গীত গায় আশা নিত্য এ আশ্রমে ।

এ সঙ্গীত-ধ্বনি, দেব, শুনি জাগরণে ।

শুনি স্বপ্নে নিশাভাগে এ সঙ্গীত-ধ্বনি ।

কে শিখায় অস্ত্র তোমা, কহ, সুরপুরে,

অঙ্গী-কুল-গুরু তুমি ? এই সুর-দলে

২০০

প্রচণ্ড গাণ্ডীব তুমি টঙ্কারি হংকারে,

দমিলা ষাণ্ডব-রণে ! জিনিলা একাকী

লক্ষরাজে, রথীরাজ, লক্ষ্য-ভেদ-কালে ।

ନିପାତିଲା ଭୂମିତଳେ ବଳେ ହସ୍ତବେଶୀ
 କିରାତେରେ । ଏ ଛଳନା, କହ, କି କାରଣେ ? ୨୦୯
 ଏସ ଫିରି, ନବରଞ୍ଜ । କେ ଫେରେ ବିଦେଶେ
 ଯୁବତୀ ପତ୍ନୀରେ ଘରେ ରାଧି ଏକାକିନୀ ?
 କିନ୍ତୁ ଯଦି ସୁରନାରୀ ପ୍ରେମ-ଝାନ୍ଦ ପାତି
 ବୈଦେ ଥାକେ ମନଃ, ବୈଧୁ, ଅର ଭ୍ରାତୃ-ତ୍ରୟେ—
 ତୋମାର ବିରହ-ହଃକ୍ଷେ ହଃକ୍ଷୀ ଅହରହ । ୨୧୦
 ଆର କି ଅଧିକ କବ ? ଯଦି ଦୟା ଥାକେ,
 ଆସି ଦେଖ କି ଦଶାୟ ତୋମାର ବିରହେ,
 କି ଦଶାୟ, ପ୍ରାଣେଶ୍ଵର, ନିବାସି ଏ ଦେଶେ ।
 ପାଇଁ ଯାହି ଦୈବେ, ଦେବ, ଏ ବିଜନ ବନେ
 ଅଧିପତ୍ନୀ ପୁଣ୍ୟବତୀ ; ପୂର୍ବପୁଣ୍ୟ-ବଳେ ୨୧୧
 ସ୍ଵେଚ୍ଛାଚର ପୁତ୍ର ଠାର । ତେଜସ୍ଵୀ ସୁଶିଶୁ
 ଦିବାମୁଖେ ରବି ଯେନ । ବେଦ-ଅଧ୍ୟୟନେ
 ସଦା ରତ । ଦୟା କରି କହିବେନ ତିନି,
 ମାତୃ-ଅନ୍ତରୋଧେ ପତ୍ର, ଦେବେନ୍ଦ୍ର-ସଦନେ ।
 ଯଥାବିଧି ପୂଜା ଠାର କରିଓ, ସୁମତି । ୨୨୦
 ଲିଖିଲେ ଉତ୍ତର ତିନି ଆନିବେନ ହେଥା ।
 କି କହିଲୁ, ନରୋତ୍ତମ ? କି କାଞ୍ଚ ଉତ୍ତରେ ?
 ପତ୍ରବହ ସହ ଫିରି ଆଇସ ଏ ବନେ ।

ଇତି ଶ୍ରୀବୀରାଜନାକାବ୍ୟେ ଛୌପଦୀ-ପତ୍ରିକା ନାମ

ଷଟ୍ ସର୍ଗ

সপ্তম সর্গ

হর্ষোদনের প্রতি ভানুমতী

[ভগবত্পুত্রী ভানুমতী দেবী রাজা হর্ষোদনের পত্নী। কুরুক্ষেত্র হর্ষোদন পাণ্ডবকুলের সহিত কুরুক্ষেত্রযুদ্ধে যাত্রা করিলে অল্প দিনের মধ্যে রাজমহিষী ভানুমতী তাঁহার নিকট নিম্নলিখিত পত্রিকাখানি প্রেরণ করিয়াছিলেন।]

অধীর সতত দাসী, যে অবধি তুমি
করি যাত্রা পশিয়াছ কুরুক্ষেত্র-রণে ।
নাহি নিজ্রা ; নাহি রুচি, হে নাথ, আহায়ে ।
না পারি দেখিতে চখে ষাণ্ড্রব্য যত ।

কভু যাই দেবালয়ে ; কভু রাজোষ্ঠানে ;

কভু গৃহ-চূড়ে উঠি, দেখি নিরখিয়া

রণ-স্থল । রেণু-রাশি গগন আবরে

ঘন ঘনজালে যেন ; জলে শর-রাশি,

বিজলীর বলা সম বলসি নয়নে ।

শুনি দূর সিংহনাদ, দূর শঙ্খ-ধ্বনি,

কাঁপোঁহিয়া ধরধরে । যাই পুনঃ ফিরি ।

স্তম্ভের আড়ালে, দেব, দাঁড়য়ে নীরবে,

শুনি সঞ্জয়ের মুখে যুদ্ধের বারতা,

যথা বসি সভাতলে অন্ধ নরপতি ।

কি যে শুনি, নাহি বুঝি—আমি পাগলিনী ।

মনের জ্বালায় কভু জলাঞ্জলি দিয়া

লজ্জায়, পড়িয়া কাঁদি শাশুড়ীর পদে,

নয়ন-আসারে খৌত করি পা হুখানি ।

নাহি সরে কথা মুখে, কাঁদি মাত্র খেদে ।

নারি সাঙ্ঘনিতে মোরে, কাঁদেন মহিষী ;

কাঁদে কুরু-বধু যত । কাঁদে উচ্চ-রবে,

মায়ের আঁচল ধরি, কুরু-কুল-শিশু,

ভিত্তি অশ্রুনিরে, হায়, না জানি কি হেতু ।

দ্বিবা নিশি এই দশা রাজ-অবরোধে ।

কুকর্ণে মাতুল ভব—কম হুঃখিনীরে !— ২৫
 কুকর্ণে মাতুল ভব, কত্র-কুল-গ্লানি,
 আইল হস্তিনাপুরে ! কুকর্ণে শিখিলা
 পাপ অক্ষবিছা, নাথ, সে পাপীর কাছে !
 এ বিপুল কুল, মরি, মজালাে দুর্মতি,
 কাল-কলিঙ্গপে পশি এ বিপুল-কুলে ! ৩০
 ধর্মশীল কর্মক্ষেত্রে ধর্মরাজ-সম
 কে আছে, কহ তা, শুনি ? দেখ ভীমসেনে,
 ভীম পরাক্রমী শূর, দুর্বার সমরে !
 দেব-নর-পূজ্য পার্থ—অব্যর্থ প্রহরী !
 কত গুণে গুণী, নাথ, নকুল স্মৃতি,
 সহ শিষ্ট সহদেব, জান না কি তুমি ? ৩৫
 মেদিনী-সদনে রমা ক্ষুপদ-নন্দিনী !
 কার হেতু এ সবারে ত্যজিলা, ভূপতি ?
 গঙ্গাজল-পূর্ণ ঘটে, হায় ঠেলি ফেলি,
 কেন অবগাহ দেহ কর্মনাশা-জলে ? ৪০
 অবহেলি দ্বিজোত্তমে চণ্ডালে ভকতি ?
 অশু-বিশ্ব, নীরবন্দ ফুলদূর্বাদলে
 নহে মুক্তাফল, দেব ! কি আর কহিব ?
 কি ছলে ভুলিলা তুমি, কে কবে আমারে ?
 এখনও দেহ কমা, এই ভিক্ষা মাগি, ৪৫
 কক্রমণি । ভাবি দেখ,—চিত্রসেন যবে,
 কুরুবধূদলে বাঁধি ভব সহ রথে,
 চলিল গন্ধর্বদেশে, কে রাখিল আসি
 কুলমান প্রাণ ভব, কুরুকুলমণি ?
 বিপদে হেরিলে অরি, আনন্দ-সলিলে ৫০
 ভাসে লোক ; তুমি যার পরমারি, রাজা,
 ভাসিল সে অশ্রুণীরে তোমার বিপদে !
 হে কৌরবকুলনাথ, তীক্ষ্ণ শরজালাে
 চাহ কি বধিতে প্রাণ তাহার সংগ্রামে,

প্রাণ, প্রাণাধিক মান রক্ষিল যে তব ৫৫
 অসহায় যবে তুমি,—হায়, সিংহ-সম,
 আনায়-মাঝারে বন্ধ রিপূর কৌশলে ?
 —হে দয়া, কি হেতু, মাতঃ, এ পাপ সংসারে
 মানব-হৃদয়ে তুমি কর গো বসতি !

কেন গর্বী কর্ণে তুমি কর্ণদান কর, ৬০
 রাজেশ্বর ? দেবতাকুলে জিনিল যে রণে ;
 তোমা সহ কুরুসৈন্যে দলিল একাকী
 মৎশ্রদেশে ; আটবে কি রাধেয় তাহারে ?
 হায়, বৃথা আশা, নাথ ! শৃগাল কি কড়
 পারে বিমুখিতে, কহ, যুগেশ্বর সিংহেরে ? ৬৫
 সূতপুত্র সখা তব ? কি লজ্জা, নুমণি,
 তুমি চন্দ্রবংশচূড়, ক্রতুবংশপতি ?

জানি আমি ভীমবাহু ভীম পিতামহ ;
 দেব-নর-ত্রাস বীৰ্য্যে জ্যোৎস্বাচার্য্য গুরু ।
 স্নেহপ্রবাহিণী কিন্তু এ দৌহার বহে ৭০
 পাণ্ডবসাগরে, কাস্ত, কহিছু তোমারে ।
 যদিও না হয় তাহা ; তবুও কেমনে,
 হায় রে, প্রবোধি,নাথ, এ পোড়া হৃদয়ে ?—
 উত্তর-গোগৃহ-রণে জিনিল কিরীটী
 একাকী এ বীরদ্বয়ে । সৃজিলা কি, তুমি, ৭৫
 দাবায়ির রূপে, বিধি, জিফু ফাস্তনিরে
 এ দাসীর আশা-বন নাশিতে,অকালে ?

শুন, নাথ ; নিজা-আশে মুদি যদি কড়
 এ পোড়া নয়ন ছুটি ; দেখি মহাভয়ে
 খেত-অস্থ কপিধ্বজ স্তম্ভন সম্মুখে । ৮০
 রথমধ্যে কালরূপী পার্শ্ব । বাম করে
 গাণ্ডীব,—কোদণ্ডোত্তম । ইরন্দ-ভেজা
 মর্ম্মভেদী দেব-অস্ত্র শোভে হে দক্ষিণে ।
 কাঁপে হিয়া ভাবি তুনি দেবদত্ত-ধ্বনি ।

গরজে বায়ুলে ধ্বজে কাল মেঘ যেন ।	৮৫
ঘর্ষরে গজ্জীর রবে চক্র, উগরিয়া কালাগ্নি । কি কব, দেব, কিরীটের আভা ? আহা, চন্দ্রকলা যেন চন্দ্রচূড়-ভালে । উজলিয়া দশ দিশ, কুরুসৈন্য-পানে ধায় রথবর বেগে । পালায় চৌদিকে	৯০
কুরুসৈন্য,—তমঃ-পুঞ্জ রবির দর্শনে যথা । কিন্বা বিহঙ্গম হেরিলে অদূরে বহ্ননথ বাজে যথা পালায় কুচ্চনি ভীতচিত ; মিলি আঁধি অমনি কাঁদিয়া । কি কব ভোমের কথা ? মদকল-করী-	৯৫
সদৃশ উন্নদ ছুঁই নিধন-সাধনে । জবায়ুগ-সম আঁধি—রক্তবর্ণ সদা । মার, মার শব্দ মুখে । ভীম গদা হাতে, দণ্ডধর-হাতে, হায়, কালদণ্ড যথা । তুনেছি লোকের মুখে, দেব-সমাগমে	১০০
ধরিলা ছরস্তু গর্ভে কুন্তী ঠাকুরাণী । কিস্ত যদি দেব পিতা, যমরাজ তবে— সর্ব-অস্তকারী যিনি । ব্যাত্মী বৃষ্টি দিল হুকু হুটে ! নর-নারী-স্তন-হুকু কছু পালে কি, কহ, হে নাথ, হেন নর-যমে ?	১০৫
বাড়িতে লাগিল লিপি ; তবুও কহিব কি কুশ্বপ্ন, প্রাণনাথ, গত নিশাকালে দেখিহু ;—বৃষ্টিয়া দেখ, বিজ্ঞতম তুমি ; আকুল সতত প্রাণ, না পারি বৃষ্টিতে এ কুহক । গত রাত্রে বসি একাকিনী শয়নমন্দিরে তব—নিরানন্দ এবে— কাঁদিহু । সহসা, নাথ, পুরিল সৌরভে দশ দিশ ; পূর্ণচন্দ্র-আভা জিনি আভা উজ্জলিল চারি দিক্ ; দাসীর সম্মুখে	১১০

- দাঁড়াইলা দেববালা—অতুলা জগতে ।
চমকি চরণযুগে নমিহু সভয়ে ।
যুছিয়া নয়নজল, কহিলা কাতরে
বিধুমুখী,—‘বৃথা খেদ, কুরুকুলবধু,
কেন তুমি কর আর ? কে পারে খণ্ডাতে
বিধির বাঁধন, হায়, এ ভবমণ্ডলে ?
ওই দেখ যুদ্ধক্ষেত্র !’—দেখিহু তরাসে,
যত দূর চলে দৃষ্টি, ভীম রণভূমি ।
বহিছে শোণিত-শ্রোত প্রবাহিণীরূপে ;
পড়িয়াছে গজরাজি, শৈলশৃঙ্গ যেন
চূর্ণ বজ্রে ; হতগতি অশ্ব ; রথাবলী
ভগ্ন ; শত শত শব । কেমনে বর্ণিব
কত যে দেখিহু, নাথ, সে কাল মশানে ।
দেখিহু রথীন্দ্র এক শরশয্যোপরি ।
আর এক মহারথী পতিত ভূতলে,
কঠে শূন্যগুণ ধনু ;—দাঁড়ায়ে নিকটে,
আফালিছে অসি অরি-মস্তক চ্ছেদিতে ।
আর এক বীরবরে দেখিহু শয়নে
ভূশয্যায় । রোষে মহী গ্রাসিয়াছে ধরি
রথচক্র ; নাহি বন্ধে কবচ ; আকাশে
আভাহীন ভানুদেব,—মহাশোকে যেন ।
অদূরে দেখিহু হ্রদ ; সে হ্রদের তীরে
রাজরথী একজন যান গড়াগড়ি
ভগ্ন-উরু । কাঁদি উচ্ছে, উঠিহু জাগিয়া ।
কেন এ কুস্বপ্ন, দেব, দেখাইলা মোরে ?
এস তুমি, প্রাণনাথ, রণ পরিহরি ।
পঞ্চখানি গ্রাম মাত্র মাগে পঞ্চরথী ।
কি অভাব ভব, কহ ? তোষ পঞ্চ জনে ;
তোষ অন্ধ বাপ মায়ে ; তোষ অভাগীরে ;—
রক্ষ কুরুকুল, ওহে কুরুকুলমণি ।
ইতি শ্রীবীরাদনাকাব্যে ভাহুযতীপত্রিকা নাম
সপ্তম সর্গ ।

১১৫

১২০

১২৫

১৩০

১৩৫

১৪০

অষ্টম সর্গ

জয়জ্ঞেয় প্রাতি হুঃশলা

[অক্ষয়াক ধৃতরাষ্ট্রের কস্তা হুঃশলা দেবী সিবুদেশাধিপতি জয়জ্ঞেয় মহিষী ।
অভিসম্ভ্যর নিধনানন্তর পার্থ যে প্রতিজ্ঞা করিয়াছিলেন, তচ্ছ বশে হুঃশলা দেবী নিতান্ত
ভীতা হইয়া নিম্নলিখিত পত্রিকাখানি জয়জ্ঞেয় নিকট প্রেরণ করেন ।]

কি যে লিখিয়াছে বিধি এ পোড়া কপালে,

হায়, কে কহিবে মোরে,—জ্ঞানশূন্য আমি ।

শুন, নাথ, মনঃ দিয়া ;—মধ্যাহ্নে বসিহু

অন্ধ পিতৃপদতলে, সজ্জয়ের মুখে

শুনিতে রণের বার্তা । কহিলা স্মৃতি—

৫

(না জানি পূর্বের কথা ; ছিহু অবরোধে

প্রবোধিতে জননীরে ;) কহিলা স্মৃতি

সজ্জয়,—‘বেড়িল পুনঃ সপ্ত মহারথী

সুভদ্রানন্দনে, দেব ! কি আশ্চর্য্য, দেখ—

অগ্নিময় দশ দিশ পুনঃ শরানলে ।

১০

প্রাণপণে যোঝে যোধ ; হেলায় নিবারে

অস্ত্রজালে শূরসিংহ ! ধন্য শূরকূলে

অভিসম্ভ্য !’ নীরবিলা এতেক কহিয়া

সজ্জয় । নীরবে সবে রাজসভাতলে

সজ্জয়ের মুখ পানে রহিলা চাহিয়া ।

১৫

‘দেখ, কুরুকুলনাথ,—পুনঃ আরস্তিলা

দূরদর্শী,—‘ভঙ্গ দিয়া রণরঙ্গে পুনঃ

পালাইছে সপ্ত রথী । নাদিছে ভৈরবে

আর্জুনি, পাবক যেন গহন বিপিনে !

পড়িছে অগণ্য রথী, পদাতিক-ব্রজ ;

২০

গরজি মরিছে গজ বিষম পীড়নে ;

সভয়ে হেসিছে অশ্ব ! হায়, দেখ চেয়ে,

কাঁদিছেন পুত্র তব জ্যোৎস্বরূপদে !—

মজিল কৌরব আজি আর্জুনির রণে !’

কাঁদিলে আক্ষেপে পিতা ; কাঁদিয়া মুছিল
অক্ষধারা । দূরদর্শী আবার কহিলা ;—

২৫

‘ধাইছে সমরে পুনঃ সপ্ত মহারথী,
কুরুরাজ ! লাগে ভালি কর্ণমূলে শুনি

কোদণ্ড-টংকার, প্রভু ! বাজিল নির্ঘোষে

ঘোর রণ ! কোন রথী গুণ সহ কাটে

৩০

ধম্ম ; কেহ রথচূড়, রথচক্র কেহ ।

কাটিয়া পাড়িলা দ্রোণ ভীম-অস্ত্রাঘাতে

কবচ ; মরিল অশ্ব ; মরিল সারথি !

রিস্তহস্ত এবে বীর, তবুও যুঝিছে

মদকল হস্তী যেন মস্ত রণমদে !’—

৩৫

নীরবিয়া ক্ষণকাল, কহিলা কাতরে

পুনঃ দূরদর্শী ;—‘আহা ! চিররাহ-ত্রাসে

এ পৌরব-কুল-ইন্দু পড়িলা অকালে ।

অশ্রায় সমরে, নাথ, গতজীব, দেখ,

আর্জুনি । ছঙ্কারে, শুন, সপ্ত জয়ী রথী,

৪০

নাদিছে কৌরবকুল জয় জয় রবে ।

নিরানন্দে ধর্ম্মরাজ চলিলা শিবিরে ।’

হরষে বিষাদে পিতা, শুনি এ বারতা,

কাঁদিলে ; কাঁদিমু আমি । সহসা ত্যজিয়া

আসন সঞ্জয় বৃথ, কৃতাজলি পুটে,

৪৫

কহিলা সভয়ে,—‘উঠ, কুরুকুলপতি !

পূজ কুলদেবে শীজ্র জামাতার হেতু ।

ওই দেখ কপিধ্বজে ধাইছে কাস্তনি

অধীর বিষম শোকে ! গরজে গম্ভীরে

হনু স্বর্ণরথচূড়ে । পড়িছে ভূতলে

৫০

খেচর ; ভূচরকুল পালাইছে দূরে ।

ঝকঝকে দিব্য বর্ম্ম ; খেলিছে কিরীটে

চপসা ; কাঁপিছে ধরা থর থর থরে ।

পাণ্ডু-গণ্ড ত্রাসে কুরু ; পাণ্ডু-গণ্ড ত্রাসে

আপনি পাণ্ডব, নাথ, গাণ্ডীবীর কোপে ! ৫৫

মুহুম্বুহুঃ ভীমবাহু টংকারিছে বামে
কোদণ্ড—ব্রহ্মাণ্ডাস ! শুন কর্ণ দিয়া,
কহিছে বীরেশ রোষে ভৈরব নিনাদে ;—

‘কোথা জয়দ্রথ এবে,—রোধিল যে বলে
বৃহস্পতি ? শুন, কহি, ক্ষত্রবী যত ; ৬০

তুমি, হে বসুধা, শুন : তুমি জলনিধি ;
তুমি, স্বর্গ, শুন : তুমি, পাতাল, পাতালে ;
চন্দ্র, সূর্য্য, গ্রহ, তারা, জীব এ জগতে
আছ যত, শুন সবে ! না বিনাশি যদি

কালি জয়দ্রথে রণে, মরিব আপনি ! ৬৫

অগ্নিকুণ্ডে পশি তবে যাব ভূতদেশে,
না ধরিব অস্ত্র আর এ ভব-সংসারে !’—

অজ্ঞান হইয়া আমি পিতৃপদতলে
পড়িছু ! যতনে মোরে আনিয়াছে হেথা—
এই অন্তঃপুরে—চেড়ী পিতার আদেশে । ৭০

কহ এ দাসীরে, নাথ ; কহ সত্য করি ;
কি দোষে আবার দোষী জিষ্ণুর সকাশে
তুমি ? পূর্ব্বকথা শ্রুতি চাহে কি দণ্ডিতে
তোমায় গাণ্ডীবী পুনঃ ? কোথায় রোধিলে
কোন্ বৃহস্পতি তুমি, কহুতা আমারে ? ৫

কহ শীঘ্র, নহে, দেব, মরিব তরাসে !
কাঁপিছে এ পোড়া হিয়া ধরধর করি ।
ঔধার নয়ন, হায়, নয়নের জলে ।
নাহি সরে কথা, নাথ, রসশূন্য মুখে !

কাল অজাগর-প্রাসে পড়িলে কি বাঁচে
প্রাণী ? ক্ষুধাতুর সিংহ ঘোর সিংহনাদে
ধরে যবে বনচরে, কে ভারে ভাহারে ?
কে কহ, রক্ষিবে তোমা, কান্তনি রুধিলে ?

হে বিধাতঃ, কি কক্ষণে, কোন্ পাপদোষে

আনিলে নাথেরে হেথা, এ কাল সমরে
 তুমি ? শুনিয়াছি আমি, যে দিন জন্মিলা
 জ্যেষ্ঠ ভ্রাতা, অমঙ্গল ঘটিল সে দিনে ।
 নাদিল কাতরে শিবা ; কুকুর কাঁদিল
 কোলাহলে ; শূন্যমার্গে গর্জিল ভীষণে
 শকুনি গৃধিনীপাল । কহিলা জনকে
 বিহর,—সুমতি তাত । ‘ত্যজ এ নন্দনে,
 কুরুরাজ ! কুরুবংশ-ধ্বংসরূপে আজি
 অবতীর্ণ তব গৃহে ।’ না শুনিলা পিতা
 সে কথা । ভুলিলা, হায়, মোহের ছলনে ।
 ফলিল সে ফল এবে, নিশ্চয় ফলিল ।
 শরশয্যাগত ভীষ্ম, বৃদ্ধ পিতামহ—
 পৌরব-পঙ্কজ-রবি চির রাহুগ্রাসে ।
 বীৰ্য্যাকুর অভিমম্ব্য হতজীব রণে ।
 কে ফিরে আসিবে বাঁচি এ কাল সমরে ?
 এস তুমি, এস নাথ, রণ পরিহরি ।
 ফেলি দূরে বর্ষ্ম, চর্ম্ম, অসি, তুণ, ধনু,
 ত্যজি রথ, পদব্রজে এস মোর পাশে ।
 এস, নিশাঘোরে দৌহে যাইব গোপনে
 যথায় সুন্দরী পুরী সিন্ধুনদতীরে
 হেরে নিজ প্রতিমূর্ত্তি বিমল সলিলে,
 হেরে হাসি স্নেহদনা স্নেহদন যথা
 দর্পণে । কি কাজ রণে তোমার ? কি দোবে
 দোষী তব কাছে, কহ, পঞ্চপাত্ত রথী ?
 চাহে কি হে অংশ তারা তব রাজ্য ধনে ?
 তবে যদি কুরুরাজে ভাল বাস তুমি,
 মম হেতু, প্রাণনাথ ; দেখ ভাবি মনে,
 সমশ্রেমপাত্র তব কুন্তীপুত্র বলী ।
 ভ্রাতা মোর কুরুরাজ ; ভ্রাতা পাত্তপতি ।
 এক জন অন্তে কেন ত্যজ অস্ত্র জনে,

৮৫

৯০

৯৫

১০০

১০৫

১১০

কুটুম্ব উভয় তব ?—আর কি কহিব ? ১১৫

কি ভেদ হে নদধরে জন্ম হিমাদ্রিতে ?

তবে যদি গুণ দোষ ধর, নরমণি ;—

পাপ অক্ষত্রোড়া-কাঁদ কে পাতিল, কহ ?

কে আনিল সভাতলে (কি লজ্জা !) ধরিয়া

রজস্বলা ভ্রাতৃবধু ? দেখাইল তাঁরে ১২০

উরু ? কাড়ি নিতে তাঁর বসন চাহিল—

উলঙ্গিতে অঙ্গ, মরি, কুলাঙ্গনা তিনি ?

ভ্রাতার স্নকীর্্তি যত, জ্ঞান না কি তুমি ?

লিখিতে শরমে, নাথ, না সরে লেখনী ।

এস শীঘ্র, প্রাণসখে, রণভূমি ত্যজি ! ১২৫

নিন্দে যদি বীরবৃন্দ তোমায়, হাসিও

স্বমন্দিরে বসি তুমি ! কে না জানে, কহ,

মহারথী রথীকূলে সিদ্ধু-অধিপতি ?

যুঝেছ অনেক যুদ্ধে ; অনেক বধেছ

রিপু ; কিন্তু এ কৌন্তেয়, হায়, ভবধামে ১৩০

কে আছে প্রহরী, কহ, ইহার সদৃশ ?

ক্ষত্রকুল-রথী তুমি, তবু নরযোনি ;

কি লাজ তোমার, নাথ, ভঙ্গ যদি দেহ

রণে তুমি হেরি পার্শ্বে, দেবযোনি-জয়ী ?

কি করিলা আশুগল খাণ্ডব দাহনে ? ১৩৫

কি করিলা চিত্রসেন গঙ্কর্ষাধিপতি ?

কি করিলা লক্ষ রাজা স্বয়ম্বর কালে ?

স্মর, প্রভু ! কি করিলা উত্তর গোগৃহে

কুরুসৈন্য নেতা যত পার্শ্বের প্রতাপে ?

এ কালাগ্নি কুণ্ডে, কহ, কি সাথে পশিবে ? ১৪০

কি সাথে ডুবিবে, হায়, এ অতল জলে ?

ভুলে যদি থাক মোরে, তুল না নন্দনে,

সিদ্ধুপতি ; মণিভঞ্জে তুল না, নৃমণি !

নিশার শিশির যথা পালয়ে মুকূলে

রসদানে ; পিতৃস্নেহ, হার রে, শৈশবে
শিশুর জীবন, নাথ, কহিহু তোমায়ে ।

১৪৫

জানি আমি কহিতেছে আশা তব কানে—
মায়াবিনী ।—‘দ্রোণ গুরু সেনাপতি এবে ।
দেখ কর্ণ ধনুর্ধরে ; অশ্বখামা শূরে ;
কৃপাচার্য্যে ; হৃষ্যেধনে—ভীম গদাপাণি ।
কাহারে ডরাও তুমি, সিন্ধুদেশপতি ?
কে সে পার্থ ? কি সামর্থ্য তাহার নাশিতে
তোমায় ?’—শুন না, নাথ, ও মোহিনী বাণী !
হায়, মরীচিকা আশা ভব-মরুভূমে !
মুদি আঁধি ভাব,—দাসী পড়ি পদতলে ;
পদতলে মণিভদ্র কঁাদিছে নীরবে ।

১৫০

১৫৫

ছদ্মবেশে রাজদ্বারে থাকিব দাঁড়ায়ে
নিসীথে ; থাকিবে সঙ্গে নিপুণিকা সখী,
লয়ে কোলে মণিভদ্রে । এসো ছদ্মবেশে
না করে কাহারে কিছু ! অবিলম্বে যাব
এ পাপ নগর ত্যজি সিন্ধুরাজ্যলয়ে !
কপোতমিথুন সম যাব উড়ি নীড়ে ।—
ঘটুক যা থাকে ভাগ্যে কুরু পাণ্ডু কুলে !

১৬০

ইতি শ্রীবীররাজনা কাব্যে হুঃশলা-পত্রিকা নাম
অষ্টম সর্গ

নবম সর্গ

শাস্ত্রমুর প্রতি জাহ্নবী

[জাহ্নবী দেবীর বিরহে রাজা শাস্ত্রমুর একান্ত কাঁড় হইয়া রাজ্যাদি পরিত্যাগ-পূর্বক বহু দিবস গলাতীরে উদাসীনভাবে কালাতিপাত করেন। অষ্টম বহু অবতার দেবব্রত (যিনি মহাতারতীর ইতিবৃত্তে ভীষ্ম পিতামহ নামে প্রথিত) বয়ঃপ্রাপ্ত হইলে জাহ্নবী দেবী নিয়মিত পত্রিকাখানির সহিত পুত্রবরকে রাজসম্মিথানে প্রেরণ করিয়াছিলেন।]

বুধা তুমি, নরপতি, জন্ম মম তাঁরে,—

বুধা অশ্রুজল তব, অনর্গল বহি,

মম জলদল সহ মিশে দিবানিশি ।

ভুল ভূতপূর্ব কথা, ভুলে লোক যথা

স্বপ্ন—নিজা-অবসানে । এ চিরবিচ্ছেদে

৫

এই হে ঔষধ মাত্র, কহিহু তোমারে ।

হর-শির-নিবাসিনী হরপ্রিয়া আমি

জাহ্নবী । তবে যে কেন নরনারীরূপে

কাটাইহু এত কাল তোমার আলয়ে,

কহি, শুন । ঋষিশ্রেষ্ঠ বশিষ্ঠ সরোষে

১০

ভূতলে জন্মিতে শাপ দিলা বসুদলে

যে দিন, পড়িল তারা কাঁদি মোর পদে,

করিয়া মিনতি স্তুতি নিঙ্কতির আশে ।

দিহু বর—‘মানবিনী ভাবে ভবতলে

ধরিব এ গর্ভে আমি তোমা সবাচারে ।’

১৫

বরিহু তোমারে সাধে, নরবর তুমি,

কৌরব । ঔরসে তব ধরিহু উদরে

অষ্ট শিশু,—অষ্ট বসু তারা, নরমণি ।

কুটিল এক যুগালে অষ্ট সরোরুহ ।

কত যে পুণ্য হে তব, দেখ ভাবি মনে ।

২০

সপ্ত জন ত্যজি দেহ গেছে স্বর্গধামে ।

অষ্টম নন্দনে আজি পাঠাই নিকটে ;

দেবনরঙ্গপী রসে গ্রহ যসে তুমি,
রাজন্ ! জাহ্নবীপুত্র দেবব্রত বলী
উজ্জলিবে বংশ তব, চন্দ্রবংশপতি ;—
শোভিবে ভারত-ভালে শিরোমণিরূপে,
যথা আদিপিতা তব চন্দ্রচূড়-চূড়ে !

২৫

পালিয়াছি পুত্রবরে আদরে, নৃমণি,
তব হেতু । নিরখিয়া চন্দ্রমুখ, ভুল
এ বিচ্ছেদ-হুঃখ তুমি । আখল জগতে,
নাহি হেন গুণী আর, কহিমু তোমারে ।

৩০

মহাচল-কুল-পতি হিমাচল যথা ;
নদপতি সিদ্ধনদ ; বন-কুলপতি
খাগুব ; রথীন্দ্রপতি দেবব্রত রথী—
বশিষ্ঠের শিষ্যশ্রেষ্ঠ । আর কব কত ?

৩৫

আপনি বাগ্‌দেবী, দেব, রসনা-আসনে
আসীনা ; হৃদয়ে দয়া, কমলে কমলা ;
যমসম বল ভুঞ্জে ! গহন বিপিনে
যথা সর্বভুক্ বহ্নি, ছুর্বার সমরে ।
তব পুণ্যবৃক্ষ-ফল এই, নরপতি !

৪০

স্নেহের সরসে পদ্ম ! আশার আকাশে
পূর্ণশশী ! যত দিন ছিহু তব গৃহে,
পাইহু পরম শ্রীতি ! কৃতজ্ঞতাপাশে
বেঁধেছ আমারে তুমি ; অভিজ্ঞানরূপে
দিতেছি এ রত্ন আমি, গ্রহ, শাস্তমতি ।

৪৫

পত্নীভাবে আর তুমি ভেবো না আমারে ।
অসীম মহিমা তব ; কুল মান ধনে
নরকুলেশ্বর তুমি এ বিশ্বমণ্ডলে !
ভরুণ যৌবন তব ;—যাও ফিরি দেশে ;—
কাতরা বিরহে তব হস্তিনা নগরী !

৫০

যাও ফিরি, নরবর, আন গৃহে বরি
বরাজী রাজেন্দ্রবালে ; কর রাজ্য স্মখে !

পাল প্রজা ; দম রিগু ; দণ্ড]পাপাচারে—

এই হে সুরাজনীতি ;—বাড়াও সতত

সতের আদর সাধি সংক্রিয়া যতনে ।

৫৫

বরিও এ পুত্রবরে সুবরাজ-পদে

কালে । মহাযশা পুত্র হবে তব সম,

যশস্বি ; প্রদীপ যথা অলে সমতেজে

সে প্রদীপ সহ, যার তেজে সে তেজস্বী ।

কি কাজ অধিক কয়ে ? পূর্বকথা তুলি,

৬০

করি ধৌত ভক্তিরসে কামগত মনঃ,

প্রণম সাষ্টাঙ্গে, রাজা । শৈলেন্দ্রনন্দিনী

রুদ্রেন্দ্রগৃহিণী গঙ্গা আশীষে তোমারে ।

যত দিন ভবধামে রহে এ প্রবাহ,

ঘোষিবে তোমার যশ, গুণ, ভবধামে ।

৬৫

কহিবে ভারতজন,— ধন্য ক্রতুকুলে

শাস্ত্রমু, তনয় যার দেবত্রত রথী ।

লয়ে সঙ্গে পুত্রধনে যাও রঙ্গে চলি

হস্তিনায়, হস্তিগতি । অন্তরীক্ষে থাকি

তব পুরে, তব সূখে হইব হে সূধী,

৭০

তনয়ের বিধুমুখ হেরি দিবানিশি ।

ইতি শ্রীবীরামনাকাব্যে আনন্দবীপত্রিকা নাম

নবমঃ সর্গঃ ।

দশম সর্গ

পুরুষবার প্রতি উর্কশী

[চন্দ্রবংশীয় রাজা পুরুষবা কোন সময়ে বেশী নামক মৈত্রেয় হত হইতে উর্কশীকে উদ্ধার করেন। উর্কশী রাজার রূপলাবণ্যে মোহিত হইয়া তাঁহাকে এই নিয়মিত পত্রিকাখানি লিখিয়াছিলেন। পাঠকবর্গ কবি কালিদাসকৃত বিক্রমোর্কশী নাম ষোটক পাঠ করিলে, ইহার সবিশেষ বৃত্তান্ত জানিতে পারিবেন।]

স্বর্গচ্যুত আজি, রাজা, তব হেতু আমি।—

গত রাজ্রে অভিনিম্ন দেব-নাট্যশালে

লক্ষ্মীস্বয়ম্বর নাম নাটক ; বারুণী

সাজিল মেনকা ; আমি অম্বোজা ইন্দ্রিা ।

কহিলা বারুণী,—‘দেখ নিরখি চৌদিকে,

বিধুমুখি ! দেবদল এই সভাতলে ;

বসিয়া কেশব ওই । কহ মোরে, শুনি,

কার প্রতি ধায় মনঃ ?’—গুরুশিক্ষা ভুলি,

আপন মনের কথা দিয়া উত্তরিমু—

‘রাজা পুরুষবা প্রতি !’—হাসিলা কৌতুকে

মহেন্দ্র ইন্দ্রাণী সহ, আর দেব ষত ;

চারি দিকে হান্সধ্বনি উঠিল সভাতে ।

সরোবে ভরতঋষি শাপ দিলা মোরে ।

শুন, নরকুলনাথ ! কহিমু যে কথা

মুক্তকণ্ঠে কালি আমি দেবসভাতলে,

কহিব সে কথা আজি—কি কাজ শরমে ?—

কহিব সে কথা আজি তব পদযুগে !

যথা বহে প্রবাহিণী বেগে সিদ্ধুনীরে,

অবিরাম ; যথা চাহে রবিচ্ছবি পানে

স্থির আঁখি সূর্য্যমুখী ; ও চরণে রত

এ মনঃ।— ঈর্কশী, প্রভু, দাসী হে তোমারি ।

যুগা যদি কর, দেব, কহ শীঘ্র, শুনি ।

৫

১০

১৫

২০

- অমরা অঙ্গরা আমি, নারিব ত্যজিতে
কলেবর ; ঘোর বনে পশি আরম্ভিব
তপঃ তপস্বিনীবশে, দিয়া জলাঞ্জলি ২৫
সংসারের স্মৃথে, শূর ! যদি কৃপা কর,
ভাও কহ ; যাব উড়ি ও পদ-আঞ্জরে,
পিঞ্জর ভাঙিলে উড়ে বিহঙ্গিনী যথা
নিকুঞ্জে ! কি ছার স্বর্গ তোমার বিহনে ?
- শুভক্রমে কেশী, নাথ, হরিল আমারে ৩০
হেমকুটে ! এখনও বসিয়া বিরলে
ভাবি সে সকল কথা ! ছিহু পড়ি রথে,
হায় রে, কুরঙ্গী যথা ক্ষত অস্ত্রাঘাতে !
সহসা কাঁপিল গিরি ! শুমিহু চমকি
রথচক্রধ্বনি দূরে শতশ্রোতঃ সম । ৩৫
শুনিহু গঙ্গীর নাদ—‘অরে রে চূর্ণতি,
মুহূর্ত্তে পাঠাব তোরে শমনভবনে,—
প্রতিনাদরূপে কেশী নাছিল ভৈরবে ।
হারাইহু জ্ঞান আমি সে ভীষণ স্বনে ।
- পাইহু চেতন যবে, দেখিহু সম্মুখে ৪০
চিত্রলেখা সখী সহ ও রূপমাধুরী—
দেবী মানবীর বাঞ্জা ! উজ্জল দেখিহু
দ্বিগুণ, হে গুণরশ্মি, তব সমাগমে
হেমকুট হৈমকান্তি—রবিকরে যেন ।
- রহিহু মুদিয়া আঁধি শরমে, নৃমণি ; ৪৫
কিন্তু এ মনের আঁধি মৌলিল হয়বে,
দিনান্তে কমলাকান্তে হেরিলে যেমতি
কমল ! ভাসিল হিয়া আনন্দ-সলিলে !
- চিত্রলেখা পানে তুমি কহিলা চাহিরা,—
‘যথা নিশা, হে রূপসি, শশীর মিলনে ৫০
ভমোহীনা ; রাত্রিকালে অগ্নিশিখা যথা
ছিহুধুমপুঞ্জ-কায়া ; দেখ নিরখিরা,

এ বরাজ বরকৃষ্টি রিচ্যমান এবে
 মোহাস্তে ! ভাঙিলে পাড়, মলিনসলিলা
 হয়ে ক্ষণ, এইরূপে বহেন জাহ্নবী ৫৫
 আবার প্রসাদে, শুভে !'—আর বা কহিলে,
 এখনো পড়িলে মনে বাখানি, নুমণি,
 রসিকতা ! নরকুল ধন্য তব গুণে !
 এ পোড়া হৃদয় কল্পে কল্পবান দেখি
 মন্দারের দাম বন্ধে, মধুচ্ছন্দে তুমি ৬০
 পড়িলা যে শ্লোক, কবি, পড়ে কি হে মনে ?
 ম্রিয়মাণ জন যথা শুনে ভক্তিভাবে
 জীবনদায়ক মন্ত্র, শুনিল উর্ব্বশী,
 হে সুধাংশু-বংশ-চূড়, তোমার সে গাথা !
 সুবালা-মনঃ তুমি ভুলালে সহজে, ৬৫
 নররাজ ! কেনই বা না ভুলাবে, কহ ?—
 সুরপুর-চির-অরি অধীর বিক্রমে
 তোমার, বিক্রমাদিত্য ! বিধাতার বরে,
 বজ্রীর অধিক বীর্য্য তব রণস্থলে !
 মলিন মনোজ্ঞ লাজে ও সৌন্দর্য্য হেরি ! ৭০
 তব রূপগুণে তবে কেন না মজ্জিবে
 সুরবালা ? শুন, রাজা ! তব রাজবনে
 স্বয়ম্বরবধু-লতা বরে সাধে যথা
 রসালে, রসালে বরে তেমতি নন্দনে
 স্বয়ম্বরবধু-লতা ! রূপগুণাধীনা ৭৫
 নারীকুল, নরজ্যেষ্ঠ, কি ভবে কি দিবে—
 বিধির বিধান এই, কহিহু তোমারে !
 কঠোর তপস্বী নর করি যদি লভে
 স্বর্গভোগ ; সর্ব্ব অগ্রে বাঞ্ছে সে ভুঞ্জিতে
 যে স্থির-যৌবন-সুখা—অর্পিব তা পদে ! ৮০
 বিকাইব কারমনঃ উভয়, নুমণি,
 আসি তুমি কেন দৌহে প্রেমের বাজারে !

উর্বাধামে উর্বশীরে দেহ স্থান এবে,
 উর্বাশ ! রাজস্ব দাসী দিবে রাজপদে
 প্রজাভাবে নিত্য যত্নে । কি আর লিখিব ?
 বিষের ঔষধ বিষ,—ওনি লোকমুখে ।
 মরিতেছিহু, নুমণি, আলি কামবিষে,
 তেঁই শাপবিষ বুঝি দিয়াছেন ঋষি,
 কৃপা করি । বিজ্ঞ তুমি, দেখ হে ভাবিয়া ।

৮৫

দেহ আজ্ঞা, নরেশ্বর, সুরপুর ছাড়ি
 পড়ি ও রাজীব-পদে, পড়ে বারিধারা
 যথা ছাড়ি মেঘাশ্রয়, সাগর-আশ্রয়ে,—
 নীলাম্বুরাশির সহ মিশিতে আমোদে ।

৯০

লিখিহু এ লিপি বসি মন্দাকিনী-তীরে
 নন্দনে । ভূমিষ্ঠভাবে পূজিয়াছি, প্রভু,
 কল্পতরুবরে, কয়ে মনের বাসনা ।
 সুপ্রফুল্ল ফুল দেব পড়িয়াছে শিরে ।
 বীচিরবে হরপ্রিয়া শ্রবণ-কুহরে
 আমার কহেন—‘তুই হ’বি ফলবতী ।’
 এ সাহসে, মহেষ্वास, পাঠাই সকাশে
 পত্রিকা-বাহিকা সখী চারু-চিত্রলেখা ।
 থাকিব নিরখি পথ, স্থির-অঁাধি হয়ে
 উত্তরার্ধে, পৃথ্বীনাথ ।—নিবেদনমিতি ।

৯৫

১০০

ইতি শ্রীবীরাটনাকাব্যে উর্বশীপত্রিকা নাম

দশমঃ সর্গঃ ।

একাদশ সর্গ

নীলধ্বজের প্রতি জনা

[নাহেখরী পুরীর স্বরাজ প্রবীর অখবেধ-বজ্রাখ ধরিলে,—পার্শ্ব তাহাকে রণে নিহত করেন। রাজা নীলধ্বজ রায় পার্শ্বের সহিত বিবাদপরায়ুখ হইয়া সন্ধি করিতে, রাজী জনা পুত্রশোকে একান্ত কাতর হইয়া এই নিয়লিখিত পত্রিকাখানি রাজসমীপে প্রেরণ করেন। পাঠকবর্গ মহাভারতীয় অখমেধপর্ক পাঠ করিলে ইহার সবিশেষ বুজ্ঞান্ত অবগত হইতে পারিবেন।]

বাজিছে রাজ-তোরণে রণবাণ্ড আজি ;
হেবে অশ্ব ; গর্জ্জে গজ ; উড়িছে আকাশে
রাজকেতু ; মুহুমূহুঃ হুঙ্কারিছে মাতি
রণমদে রাজসৈন্য ;—কিস্ত কোন্ হেতু ?
সাজিছ কি, নররাজ, যুঝিতে সদলে— ৫
প্রবীর পুত্রের মৃত্যু প্রতিবিধিৎসিতে,—
নিবাইতে এ শোকাগ্নি ফাস্তনির লোহে ?
এই তো সাজে তোমারে, ক্ষত্রমণি তুমি,
মহাবাহু ! যাও বেগে গজরাজ যথা
যমদণ্ডসম শুণ্ড আফালি নিনাদে ! ১০
টুট কিরীটীর গর্ব আজি রণস্থলে !
খণ্ডমুণ্ড তার আন শূল-দণ্ড-শিরে !
অস্তায় সমরে মূঢ় নাশিল বালকে ;
নাশ, মহেঘাস, তারে ! ভুলিব এ জালা,
এ বিষম জালা, দেব, ভুলিব সত্বরে ! ১৫
জন্মে মৃত্যু ;—বিধাতার এ বিধি জগতে ।
ক্ষত্রকুল-রত্ন পুত্র প্রবীর স্মৃতি,
সন্মুখসমরে পড়ি, গেছে স্বর্গধামে,—
কি কাজ বিলাপে, প্রেতু ? পাল, মহীপাল,
ক্ষত্রধর্ম, ক্ষত্রকর্ম সাধ ভূজবলে । ২০
হায়, পাগলিনী জনা ! তব সভামাঝে
নাচিছে নর্তকী আজি, গায়ক গাইছে,

উথলিছে বীণাধ্বনি । তব সিংহাসনে
বসিছে পুত্রহা রিপু—মিত্রোত্তম এবে ।
সেবিছ যতনে তুমি অতিথি-রতনে ।—

২৫

কি লজ্জা ! দুঃখের কথা, হায়, কব কারে ?
হতজ্ঞান আজি কি হে পুত্রের বিহনে,
মাহেশ্বরী-পুরীশ্বর নীলধ্বজ রথী ?
যে দরুণ বিধি, রাজা, আঁধারিলা আজি
রাজ্য, হরি পুত্রধনে, হরিলা কি তিনি

৩০

জ্ঞান তব ? তা না হলে, কহ মোরে, কেন
এ পাষণ্ড পাণ্ডুরথী পার্শ্ব তব পুরে
অতিথি ? কেমনে তুমি, হায়, মিত্রভাবে
পরশ সে কর, যাহা প্রবীরের লোহে

৩৫

লোহিত ? ক্ষত্রিয়ধর্ম এই কি, নৃমণি ?
কোথা ধমু, কোথা তুণ, কোথা চর্ম, অসি ?
না ভেদি রিপুর বন্ধ ভীক্ষুতম শরে
রণক্ষেত্রে, মিষ্টালাপে তুবিছ কি তুমি
কর্ণ তার সভাতলে ? কি কহিবে, কহ,
যবে দেশ-দেশান্তরে জনরব লবে

৪০

এ কাহিনী,—কি কহিবে ক্ষত্রপতি যত ?

নরনারায়ণ-জ্ঞানে, শুনিমু, পূজিছ
পার্শ্ব রাজা, ভবিষ্যভাবে ;—এ কি ভ্রাস্তি তব ?
হায়, ভোজবালা কুস্তী—কে না জানে তারে,
শৈরিণী ? তনয় তার জারজ অর্জুনে

৪৫

(কি লজ্জা,) কি গুণে তুমি পূজ, রাজরথি,
নরনারায়ণ-জ্ঞানে ? রে দারুণ বিধি,
এ কি লীলাখেলা তোর, বৃষিব কেমনে ?
একমাত্র পুত্র দিয়া নিলি পুনঃ তারে
অকালে । আছিল মান,—তাও কি নাশিলি ?

৫০

নরনারায়ণ পার্শ্ব ? কুলটা বে নারী—
বেশা—গর্ভে তার কি হে জনমিলা আসি

দ্রবীকেশ ? কোন্ শাস্ত্রে, কোন্ বেদে লেখে—

কি পুরাণে—এ কাহিনী ? ষৈপায়ন ঋষি

পাণ্ডব-কীর্ত্তন গান গায়েন সতত ।

৫৫

সত্যবতীস্নত ব্যাস বিখ্যাত জগতে ।

ধীবরী জননী, পিতা ব্রাহ্মণ । করিলা

কামকেলি লয়ে কোলে ভ্রাতৃবধুধরে

ধর্মমতি । কি দেখিয়া, বুঝাও দাসীরে,

গ্রোহ কর তাঁর কথা, কুলাচার্য্য তিনি

৬০

কু-কুলের ? তবে যদি অবতীর্ণ ভবে

পার্শ্বরূপে পীতাম্বর, কোথা পদ্মালয়া

ইন্দ্রিরা ? জ্যৌপদী বৃষ্ণি ? আঃ মরি, কি সতী !

শাণ্ডড়ীর যোগ্য বধু ! পৌরব-সরসে

নলিনী । অলির সখী, রবির অধীনী,

৬৫

সমীরণ-প্রিয়া । ধিক্ ! হাসি আসে মুখে,

(হেন দুঃখে) ভাবি যদি পাঞ্চালীর কথা ।

লোক-মাতা রমা কি হে এ ভ্রষ্টা রমণী ?

জানি আমি কহে লোক রথীকুল-পতি

পার্শ্ব । মিথ্যা কথা, নাথ । বিবেচনা কর,

৭০

সূক্ষ্ম বিবেচক তুমি বিখ্যাত জগতে ।—

ছদ্মবেশে লক্ষ রাজে ছিলি দুর্মতি

স্বয়ম্বরে । যথাসাধ্য কে মুখিল, কহ,

ব্রাহ্মণ ভাবিয়া তারে, কোন্ ক্ষত্ররথী,

সে সংগ্রামে ? রাজদলে তেঁই সে জিতিল ।

৭৫

দছিল পাণ্ডব হুঁষ্ট কৃষ্ণের সহায়ে ।

শিখণ্ডীর সহকারে কুরুক্ষেত্র রণে

পৌরব-গৌরব ভীম বৃদ্ধ পিতামহে

সংহারিল মহাপাণ্ডী । জ্যোণাচার্য্য গুরু,—

কি কুহলে নরোধম বধিল তাঁহারে,

৮০

দেখ স্মরি ? বসুন্ধরা গ্রাসিলা সরোবে

রথচক্র যবে, হায় ; যবে ব্রহ্মশাপে

‘কিঞ্চল সমরে, মন্দি, কর্ণ মহাবশা,
 মামিল বর্কর তাঁরে । কহ মোরে, তনি,
 মহারথী-প্রথা কি হে এই, মহারথি ? ৮৫
 আনায়-মাঝারে আনি যুগেন্দ্রে কৌশলে
 বধে ভীকচিত ব্যাধ ; সে যুগেন্দ্রে হবে
 নাশে রিপু, আক্রমে সে নিজ পরাক্রমে ।

কি না তুমি জান রাজা ? কি কব তোমারে ?
 জানিয়া শুনিয়া তবে কি হলনে ভুল ৯০
 আত্মপ্লাবা, মহারথি ? হায় রে কি পাপে,
 রাজ-শিরোমণি রাজা নীলধ্বজ আজি
 নতশির,—হে বিধাতঃ ।—পার্শ্বের সমীপে ?
 কোথা বীরদর্প তব ? মানদর্প কোথা ?

চণ্ডালের পদধূলি ব্রাহ্মণের ভালে ? ৯৫
 কুরঙ্গীর অশ্রুবারি নিবায় কি কভু
 দাবানলে ? কোকিলের কাকলী-লহরী
 উচ্চনাদী শ্রেষ্ঠজনে নীরবয়ে কবে ?
 ভীকৃতার সাধনা কি মানে বলবাহু ?

কিস্ত বৃথা এ গঞ্জনা । গুরুজন তুমি ; ১০০
 পড়িব বিষম পাপে গঞ্জিলে তোমারে ।
 কুলনারী আমি, নাথ, বিধির বিধানে
 পরাধীনা । নাহি শক্তি মিটাই স্ববলে
 এ পোড়া মনের বাহা । ছরন্ত ফাস্তনি
 (এ কোঁস্তেয় যোধে ধাতা সৃজিলা নাশিতে ১০৫
 বিশ্বসুখ ।) নিসেন্তানা করিল আমারে ।

তুমি পতি, ভাগ্যদোষে বাম মম প্রতি
 তুমি । কোন্ লাখে প্রাণ ধরি ধরাধামে ?
 হায় রে, এ জনাকীর্ণ ভবস্থল আজি
 বিজন জনার পক্ষে । এ পোড়া ললাটে ১১০
 লিখিলা বিধাতা বাহা, কজিল তা কালে ।—

হা প্রবীর । এই হেতু ধরিছ কি তোরে,

- দশ মাস দশ দিন নানা বস্তু সয়ে,
 এ উদরে ? কোন্ জন্মে, কোন্ পাপে পাপী
 তোর কাছে অভাগিনী, তাই দিলি বাহ্য; ১১৫
- এ ভাপ ? আশার লতা তাই রে ছিঁড়িলি ?
 হা পুত্র ! শোধিলি কি রে তুই এইরূপে
 মাতৃধার ? এই কি রে ছিল তোর মনে ?—
- কেন বৃথা, পোড়া আঁশি; বরষিস্ আজি
 বারিধারা ? রে অবোধ, কে মুছিব তোরে ? ১২০
- কেন বা জ্বলিস্, মনঃ ? কে জুড়াবে আজি
 বাক্য-সুধারসে তোরে ? পাণ্ডবের শরে
 খণ্ড শিরোমণি তোর ; বিবরে লুকায়ে,
 কাঁদি খেদে, মন, অরে মণিহারা ফণি ।—
- যাও চলি, মহাবল, যাও কুরুপুরে ১২৫
 নব মিত্র পার্শ্ব সহ । মহাষাত্রা করি
 চলিল অভাগা জনা পুত্রের উদ্দেশে ।
 ক্ষত্র-কুলবালা আমি ; ক্ষত্র-কুল বধু ;
 কেমনে এ অপমান সব ধৈর্য্য ধরি ?
 ছাড়িব এ পোড়া প্রাণ জাহ্নবীর জলে ; ১৩০
 দেখিব বিশ্বস্তি যদি কৃতাস্তনগরে
 লভি অস্তে । যাচি চির বিদায় ও পদে ।
 ফিরি যবে রাজপুরে প্রবেশিবে আমি,
 নরেশ্বর, “কোথা জনা ?” বলি ডাক যদি
 উত্তরিবে প্রতিধ্বনি “কোথা জনা ?” বলি । ১৩৫

ইতি শ্রীবীরাজনাকাব্যে জনাপত্রিকা নাম

একাদশঃ সর্গঃ ।

পরিশিষ্ট

বীরাঙ্গনা কাব্য ২১ খানি পত্রিকা বা সর্গে সম্পূর্ণ করিবার ইচ্ছা মধুসূদনের ছিল, ১১ খানি পত্রিকা প্রকাশ করিবার পর তিনি আরও কয়েকটি পত্রিকা রচনার হাত দিয়াছিলেন। কিন্তু কোনটিই সম্পূর্ণ হয় নাই। সেই অসম্পূর্ণ পত্রিকাগুলি নিয়ে মুদ্রিত হইল।

ধ্বতরাষ্ট্রের প্রতি গাঙ্গারী

জন্মান্ত নৃমণি ! তুমি, এ ভারতা পেয়ে
দূতমুখে, অঙ্কা হ'লো গাঙ্গারী কিঙ্করী
আজি হ'তে। পতি তুমি ; কি সাধে তুজিব
সে সুখ, যে সুখভোগে বঞ্চিলা বিধাতা
তোমারে, হে প্রাণেশ্বর ! আনিতেছে দাসী
কাপড়, ভাঁজিয়া তাহে, সাত বার বেড়ি
অঙ্কিব এ চক্ষু ছুটি কঠিন বন্ধনে,
ভেজাইব দৃষ্টি-দ্বারে কবাট। ষটিল,
লিখিলা বিধি যা ভাল—আক্ষেপ না করি ;
করিলে, ত্যজিব কেন রাজ-অট্টালিকা,
যাইতে যথায় তুমি দূর হস্তিনাতে ?
দেবাদেশে নরবর বরেছি তোমারে।

* * * *

আর না হেরিবে কভু দেব বিভাবসু
তব বিভারামি দাসী এ ভবমণ্ডলে ;
তুমিও বিদায় কর, হে রোহিণীপতি,
চারু চন্দ্র ; তারা-বন্দ-তোমরা গো সবে ।
আর না হেরিব কভু সখীদলে মিলি
প্রদোবে তোমা সকলে, রশ্মিবিহ্ন যেন
অস্বরসাগরে, কিন্তু স্থিরকান্তি ; যবে
বহেন মলয়ানিল গহন বিপিনে
বাসুকির কণারূপ পর্য্যঙ্কে সুন্দরী—
বসুকরা, যান নিজা নিঃখাসি সৌরভে ।

হে নদ ভরঙ্গময়, পবনের রিগু
 (যবে ঝড়াকারে তিনি আক্রমেন তোমা)
 হে নদি, পবনপ্রিয়া, স্নগন্ধের সহ
 তোমার বদন আসি চুঞ্ছেন পবন,
 হে উৎস গিরি-ছহিতা জননী মা তুমি ;
 নদ, নদী, আশীর্ব্বাদ কর এ দাসীরে ।
 গান্ধার-রাজনন্দিনী অন্ধা হলো আজি ।
 আর না হেরিবে কভু হয় অভাগিনী
 তোমাদের প্রিয়মুখ । হে কুসুমকুল,
 ছিহু তোমাদের সখী, ছিহু লো ভগিনী,
 আজি স্নেহহীন হয়ে ছাড়িহু সবারে ;
 স্নেহহীন এ কি কথা ? ভুলিতে কি পারি
 তোমা সবে ? স্মৃতিশক্তি যত দিন রবে
 এ দেহে, স্মরিব আমি তোমা সবাকারে ।

অনিরুদ্ধের প্রতি উষা

বাণ-পুরাধিপ বাণ-দানব-নন্দিনী
 উষা, কৃতাজলিপুটে নমে তব পদে,
 যছবর ! পত্রবাহ চিত্রলেখা সখী—
 দেখা যদি দেহ, দেব, কহিবে বিরলে ।
 প্রাণের রহস্যকথা প্রাণের ঈশ্বরে ।

অকূল পাধারে নাথ, চিরদিন ভাসি
 পাইরাছি কুল এবে ! এত দিনে বিধি
 দিয়াছেন দিন আজি দীন অধীনীরে ।
 কি কহিহু ? ক্ষম দেব, বিবশা এ দাসী
 হরষে, সরসে যথা হাসে কুমুদিনী,
 হেরিয়া আকাশদেশে দেব নিশানাথে
 চিরবাছা ; চাতকিনী কুতুকিনী যথা

মেঘের স্ফূটার-মূর্তি হেরি পুস্তপাথে।
 তেমতি এ পোড়া প্রাণ নাচিছে পুলকে,
 আনন্দজনিত জল বহিছে নয়নে।
 দিয়াছি আদেশ নাথ সজিনী-সমূহে,
 গাইছে মধুর গীত, মিলি তারা সবে
 বাজারে বিবিধ যন্ত্র। উষার হৃদয়ে
 আশালতা আজি উষা রোপিবে কৌতুকে
 শুন এবে কহি দেব, অপূর্ব কাহিনী।

যযাতির প্রতি শাস্তি

দৈত্যকুল-রাজবালা শশ্মিষ্ঠা সুন্দরী
 বলিতে সোহাগে যারে, নরকুলরাজা
 তুমি, হে যযাতি, আজি ভিখারিণী হ'ল,
 ভবসুখে ভাগ্যদোবে দিয়া জলাঞ্জলি।
 দাবানলে দহু হেরি বন-গৃহ, যথা
 কুরঙ্গী সাবক সব সঙ্গে লয়ে চলে,
 না জানে আবার কোথা আশ্রয় পাইবে। :
 হে রাজন! শিশুত্রয় লয়ে নিজ সাথে
 চলিল শশ্মিষ্ঠা-দাসী কোথায় কে জানে
 আশ্রয় পাইবে তারা? মনে রেখ তুমি।
 নয়নের বারি পড়ি ভিজিতে লাগিল
 আঁচল, বুকিয়া তবু দেখে প্রাণপতি,
 কে তুমি, কে আমি নাথ, কি হেতু অইছ:
 দাসীরূপে তব গৃহে রাজবালা আমি?
 কি হেতু বা থেকে গেছ তোমার সপনে,
 দৈত্যকুল-রাজবালা আমি দাসীরূপে।

নারায়ণের প্রতিশ্রুতী

আর কত দিন, সৌরি, জলধির গৃহে
 কাঁদিবে অধীনী রমা, কহ তা রমারে ।
 না পশে এ দেশে নাথ, রবিকররাশি,
 না শোভেন সুধানিধি সুধাংশু বিতরি ;
 স্থিরপ্রভা ভাবে নিত্য ক্ষণপ্রভা রূপী ।
 বিভা, জন্মি রত্নজালে উজলয়ে পুরী ।
 তবুও, উপেক্ষ, আজ ইন্দिरা হুঃখিনী ।
 বাম দামোদর ; তুমি লয়েছ হে কাড়ি
 নধনের মণি তার পাদপদ্ম তব ।
 ধরি এ দাসীর কর ও কর-কমলে
 কহিলে দাসীরে যবে হে মধুরভাষী,
 “যাও প্রিয়ে, বৈনতেয় কৃতাজলিপুটে—
 দেখে দাঁড়াইয়া ওই ; বসি পৃষ্ঠাসনে
 যাও সিন্ধুতীরে আজি ।” হয় ! না জানিহু
 হইহু বৈকুণ্ঠচ্যুত হৃৎকাসার রোষে ।

নলের প্রতি দময়ন্তী

পঞ্চ দেবে বঞ্চি সাধে স্বয়ম্বর-স্থলে
 পূজিল রাজীব-পদ তব যে কিঙ্করী,
 নরেন্দ্র, বিজ্ঞন বনে অর্ধ বস্ত্রাবৃত্তা
 ত্যজিলে তুমি হে যারে, না জানি কি দোষে,
 নামে সে বৈদর্ভী আজি তোমার চরণে ।

ছন্দ শব্দ ও বাক্যাংশের ব্যাখ্যা

বীরাঙ্গনা—এই শব্দ মধুসূদন মাত্র নারিকা অর্থে প্রয়োগ করিয়াছেন।
‘চতুর্দশপদী কবিতাবলী’র উপক্রমে এই কাব্যের পরিচয়-প্রসঙ্গে তিনি
লিখিয়াছিলেন—

বিরহ-লেখন পবে লিখিল লেখনী

বার, বীর জায়া-পক্ষে বীর পতি-গ্রামে ;

এই সম্পর্কে ভূমিকার উক্ত মধুসূদনের পত্র দ্রষ্টব্য ।

- ১ : ১। মদকল—মত্ততার অল্প মধুর অক্ষুট শব্দকারী ।
২২। প্রফুল্লিত—প্রফুল্ল (মধুসূদনের প্রয়োগ) ।
৩৩। মধু—বসন্ত ।
৫৩। শিলীমুখ—স্রবর ।
৬২। গীতিকা—গান, ছন্দোবদ্ধ লিপি ।
৮৫। অন্তরিত—অন্তর্গত, মনোগত ।
১১৪। বিরহ—দুইটি দীপ্ত বাহার, হস্তী ।
১২৬। অমূল—অমূল্য ।
১৩৮। কলাধরে—চন্দ্রে ।
১৫২। পরাপ—“পরানে” সঙ্গত প্রয়োগ হইত ।
১৬০। চর—দৃত, এখানে পত্রবাহক ।
২ : ২৬। শিক্, বৃথা চিন্তা, তোরে—হে বৃথা চিন্তা, তোরে শিক্ ।
৪২। সুগম্বে—কস্তুরীকে ।
৫২। মধুরে—মধুকে, বসন্তকে ।
৬০। সুবজ—সুন্দর ।
তুৎকী—একতারা ।
৮২। অবচরি—চরন করিয়া ।
৩ : ৪৮। বালে—বালককে ।
৫২। কাল নাগ—বনসদৃশ অর্থাৎ ভীষণ সর্প ।
৫৫। জলাসার—জলধারা, বৃষ্টিধারা ।
৭২। বরগুণমালা—সুন্দর কুঁচের মালা ।
৭৩। পীত ধড়া—পীত বসন ।
৭৪। ধনজব্রাহ্মণ—ধন, ব্রহ্ম ও অক্ষুণ চিহ্ন, বিষ্ণুর চরণের চিহ্ন ।

- ৮৮। শিখণ্ডি (সঘোষনে)—শিখণ্ডী, ময়ূর।
শিখণ্ড—ময়ূরপুচ্ছ।
মণ্ডে—মণ্ডিত করে।
- ১০৭। বৈনতেয়—বিনতানন্দন, গরুড়।
- ৪ : ১২। পুরনারী-ব্রজ—পুরনারীগণ।
১৪। গায়কী—গায়িকা (মধুসূদনের প্রয়োগ)।
২০। ঝাঁঝরি—কাসর-জাতীয় বাজ্যবিশেষ।
৩৬। পথা—পথিক (মধুসূদনের প্রয়োগ)।
৮২। বিতংস—পাখী ইত্যাদি ধরিবার ফাঁদ, জাল বা রজ্জু।
১২২। পিতৃ-মাতৃ-হীন পুত্রে—ভরতকে, পিতা মাতা বর্জনান থাকিতেও
চূর্তাগ্য ভরত মাতৃপিতৃহীনের তুল্য।
- ৫ : ৬। মঞ্জুকেশি (সঘোষনে)—মুকেশী।
১৩। বঞ্জুল—বেত।
মঞ্জুলে—কুঞ্জে। “বঞ্জুলে-মঞ্জুলে” পাঠি সঙ্গত।
৩২। ভীমখণ্ডা—ভীষণ খাঁড়া।
৩৮। মণিঘোনি—মণির উৎপত্তিস্থল।
৪৩। কামরূপা—সেচ্ছাক্রমে রূপধারিণী।
৫১। মাঝ—মঝে।
১৩১। সম—যোগ্য।
- ৬ : ২। দিব্যে—স্বর্গে।
৮২। বৈদর্ভীয়—বিদর্ভরাজকন্টার, নময়স্তীর।
২২-২৩। বাহন-বাহার... তাঁর আমি—মেঘকুলপতি বে ইন্ড্রের বাহন, আমি
তাঁহার পুত্রবধু।
১৪৬। আধা—অঙ্কা।
১৬৬। কামদা—অভীষ্টদাতা।
১৬২। কামধুকে—কামদাতা অর্থাৎ অভীষ্টদাতা অমরাবতীকে।
১২২। মেষধান—মহাধর্মুর্ধর।
২০২। ভ্রাতৃ-ব্রয়ে—ভ্রাতা চারি জনকে হওয়া উচিত ছিল।
- ৭ : ৩৪। প্রহরী—প্রহরণধারী।
৪২। নীরবন্দ—“নীরবিন্দু” হওয়া উচিত ছিল।
৪৫। কমা দেহ—কান্ত হও।
৫৭। আনার—জাল।
৬৩। রাধেয়—রাধাপুত্র, কর্ণ

- ৬৬। স্তম্ভপুত্র—সারথিপুত্র, কর্ণ।
- ৭৬। স্নিগ্ধু—বিজয়ী, অর্জুন।
- ৮৫। বায়ুজ ধ্বজে—অর্জুনের রথে বায়ুজের (বায়ুপুত্র হনুর) মূর্তি
অঙ্কিত বলিয়া বায়ুজ ধ্বজে, কপিধ্বজ রথে।
- ২৬। উন্নদ—মত্ত।
- ১২৭। মশান—শ্মশান শব্দের অপভ্রংশ।
- ১৩২। কেন এ কৃষপ, দেব,—“কেন এ কৃষপ দেব” হওয়া উচিত।
- ৮ : ১৭। দূরদর্শী—হস্তিনায় বসিয়া কুরুক্ষেত্র-সমরাজ্ঞ দেখিতেছিলেন বিনি,
সঞ্জয়।
- ৫৪-৫৫। পাণ্ডু-গণ্ড...কোপে—হে নাথ, গাণ্ডীবীর কোপে (কুরুয়া তো
বটেই, এমন কি) পাণ্ডুযেবাও ত্রাসে পাণ্ডু-গণ্ড।
- ৭৩। পূর্বকথা—জয়দ্রথ কর্তৃক দ্রৌপদীহরণের কথা।
- ২৭। পৌরব-পঙ্কজ-রবি—পৌরবরূপ পদ্মসমূহের রবি, ভীষ্ম।
- ২৮। বীর্ঘ্যাস্কর—সাহার বীরত্ব স্ফুটনোন্মুখ।
- ১৫৩। মণিভজে—পুত্র সুরথে (কবিকল্পিত নাম)।
- ৯ : ১৮। সাধে—ইচ্ছায়।
- ১২। সরোরুহ—পদ্ম।
- ১০ : ৪। অস্তোজা—জলজা, সমুদ্র হইতে উখিতা লক্ষ্মী।
- ৪৬। মীলিল—উন্নীলিল, মেলিল।
- ৪৭। কমলাকান্তে—(মুদ্রাকর-প্রমাদ) কমল-কান্তে = সূর্য্যে।
- ৫৩। রিচ্যমান—সংযুক্ত।
- ৫৬। প্রসাদে—হর্ষে, আনন্দে।
- ৮৩। উক্বীধামে—পৃথিবীধামে।
- ১১ : ২। হেবে—ভ্রেষে (মধুসূদনের প্রয়োগ)।
- ৬। প্রতিবিধিৎসিতে—প্রতিবিধান করিতে।
- ৩৩। চর্ম—ঢাল।